

醫方類聚卷之七十三

齒門 三

經驗秘方

立效丸治虫牙疼

真杏仁

燒灰存性

蜜蠟

右溶蠟入杏仁灰末丸如茶豆內虫牙孔

處

簡奇方同

綠袍散治風壅牙疼

青黛

木桂

硝

腦子

少許



右為末擦患處

如聖散治元臟氣虛風熱內攻牙齦浮腫疼痛發歇

細辛土人葉 雞腸草 旱蓮子 茴香 白

礬 訶子核去 晚蠶沙 青鹽 皂角

茜根 麻粩各一

右剉麤木入瓶內搥泥厚固濟瓶口留一竅出煙用炭半秤煨候青白煙去火候冷取藥細研如粉揩牙如常法

升麻散治風虫牙疼齒齦動搖

升麻 細辛去土 萆撥 胡椒 川芎

川椒 甘松洗去土 香白芷各等分

右為細末每用少許擦患處良久漱去若甚者沸湯調藥二錢乘熱漱之涎出立愈
香蕪散治牙疼

豬牙皂角 細辛去葉 川烏頭生用不升

麻 萆撥 香附子各二錢 乳香壹錢

右為細末次入乳香研勻每用一錢揩擦

之

麝香 麝雄散治牙齒動搖齦齩宜露骨枯風毒宜蝕潰爛不能入食者

膽礞 雄黃 各二錢 麝香 另研 竜骨 各壹錢

右同研為極細末每用一字以鵝毛蘸掃患患處日一二次若小兒走馬疳唇齦蝕爛者先泡青蘊湯洗淨後用新絲拭乾糝

藥 簡奇方同

止痛散治牙疼

大蒜 壹瓣去皮生用細研 巴豆 壹枚去殼細研 塩鼓 七粒細研

右件同研勻入磁器內盛之密封勿令透氣每用少許擦患處日三兩次 簡奇方同

香椒散治牙疼

草烏頭 生用 胡椒 乳香 別研 蝎梢 不去毒各等分

右為細末擦痛處吐涎立瘥如神

西鵬散治牙齒動搖

草烏頭 緊實者一枚炮冷七分熱 西鵬砂 一兩

右為細末每用少許擦牙

仙桃散治風牙疼有膿血并口氣

防風去蘆頭 桃根節 香白芷 細辛去葉土各

一兩 川椒去目半兩

右為細末每用三錢水七分煎至五分熟

呷滿口候冷吐去或每日揩牙溫水漱之

荆芥散治風虫牙痛牙槽浮腫

荆芥穗 薄荷葉去土 細辛去葉土 甘草炙各等分

右為細末每服二錢茶酒調下或用五錢

水壹大碗煎三五沸通口慢慢漱之

露蜂房散治牙疼

露蜂房 天仙藤各等分

右咬咀每用二錢水半盞煎沸去滓漱之

聖蟾散治風虫牙疼

蟾酥熱易少許化開

右用新絲少許蘸藥粟米大塞痛處

定痛散治風虫牙疼右用附子生去皮臍為

細末每以半錢姜汁調擦患處良久以溫

搥湯漱之

失笑散治牙疼不問久近

細辛去土 良姜 香白芷 華撥各等分

右為細末左牙疼口含水搗左鼻右牙疼

搗右鼻擦牙亦可簡音方同

立應散治風艸牙疼

川芎參錢 麝香少許 楊梅根皮厚者壹兩去麤皮

右為細末研勻每用一字先含溫水一口

次用藥於兩鼻搗之涎去痛止

如神散取艸牙肥赤馬肉三斤或五斤或壹

斤每斤入礪砂二兩同拌和以器物盛之

放有口處候作成蛆令自乾研為細末每

蛆末壹兩入粉霜半兩同研勻如用時先

以針撥動牙根四畔空虛次用燈心蘸藥

少許點牙根良久動落簡音方同

盛榘散治牙疼致口頰皆腫

荆芥穗四兩 旋覆花 前胡 麻黃去節各壹兩

赤芍藥 半夏湯泡七次 甘草炙各壹兩

右咬咀每服四錢水一盞半姜七片棗二

枚煎七分去滓漱口吐一半咽一半以此
熏漱立愈如神

烏金散治風虫牙疼瓜蒌皮燒存性爲細末
搯之甚妙

芎歸湯拔牙去血不止以芎藭當歸等分咬
阻每服四錢水一盞半煎七分去滓熱服
無時

黑錫丹主腎虛牙齒浮疼右煎鹽附空心吞
局方黑錫丹

黑聖散治小兒牙疳牙斷腫痛及退牙後久
不生者用之自生

鯽魚

壹枚大者
去腸肚用

大棗

十枚
去核

膽礬

一錢研細
入棗內以

棗入龍骨

另研腦子

另研麝香

半錢

右將前魚紙裏三五重塩泥固濟頭上留
一竅炭火內煨青煙出爲度取出用土罨
一宿去泥以龍骨等三味同研令極細食
後用溫漿水漱口以少許傅患處牙斷日
三次用之

蟾酥散治小兒牙疳蝕爛齒斷漸侵唇口

蟾酥一分 蘆薈一分 黃礬一分 草烏頭壹分

性 膽礬一分 五倍子一分 燒灰

右為細末入麝香少許再研令勻用絲裹
筋頭蘸藥少許點患處

必勝散治一切牙疳齒斷蝕爛口臭血出

蟾酥 輕粉另研 定粉 人中白各壹錢 麝香

壹字
另研

右為細末臨臥鹽湯漱口了貼藥末於患

處用紙蓋之

青牛散 截疳散二方見小兒門

諸牙疼

胡椒叁粒 巴豆一粒成實者針

右為籠末薄紙盛裹於牙疼處咬之有粘

涎吐去疼止不用大効簡奇方同

治牙疼刷牙藥

五倍子 百藥煎 細辛各叁錢 川芎 白

芷各一錢 人參各一錢 膽礬二錢 麝香少許

右爲細末刷之

牙疳

銅綠五錢 白及 白欽 白礬飛過各二錢半 麝香許少

右爲細末貼之

蟲牙疼如神巴豆不拘多少去皮紙拈新磚

上去油新絲裹定於蟲牙塢內塞定微痛

者取出爲効

治風牙疼

三柰子 麝香許少

右爲極細末隨患左右鼻內插之

擦牙藥

桑螵蛸 竜骨 麝香各半錢 石亭膏二錢

右爲細末每日一錢臨臥擦牙湯酒漱之

治牙疼以肥皂一个去核滿裝白煴紙裹五

七重麻皮縛住水濕慢火煨肥皂七分熟

出火去皂凡風蛀牙疼以筋醮搥點患處

涎出吐去簡奇方同

刷牙藥忌蘿蔔藕羊血絲瓜去皮子晒乾碗
內燒存性椽斗同青塩亦如前燒存性各
研細和勻刷之

一捻金散治走馬牙疔不能治者

黃丹飛 白礬飛 青塩飛 草錦燒灰各 麝香等分

許少

右為極細末先以溫塩漿水洗淨軟帛搵

乾貼藥

走馬牙疔汴梁紅鞋李提領方小遺盆內白

屑取卜磁罐盛之用泥固濟炭火煨紅取
去將白屑細研入射少許貼之

刷牙藥烏髭鬚緊牙齒

綠礬飛 膽礬飛 金絲礬飛 川芎細 辛

青白茯苓 訶子肉 五倍子 百藥煎

沒石飛 酸石榴各等

若為細末入蘇川椒射香少許遇夜刷牙

以津液掠髭鬚

牙疼細辛卅兩 地龍四分為末入麝少許指

痛處又附了尖一分胡椒半錢細辛一字
爲末指患處良久以塩湯漱去勿嚥又葦
撥炮熱咬患處又乳香亦可又略撚野元
葦塞鼻中妙

青絲散

膽礬錢叁 金絲礬

石絲礬

五倍子並縮

砂錢二 川芎

細辛

各錢

右爲細末羅過入麝香少許白庚口爲始
用溫水將軟刷牙刷過然後點藥刷畢溫

漿水漱之每日二次此藥牢牙去風去疼

縫黑板白將餘津染髭令黑潤大效

治牙疼以青蒿一把水一碗煎至半碗帶溫

漱之疼卽止

急救仙方衛
生易簡方同

刷牙烏髭鬚

治牙鬚如墨黑王本齋廉使親驗地骨皮燒

存性盆合少時取出爲極細末每刷牙淨

以藥擦牙鬚自裏黑長於外

刷牙黑鬚髮牢牙齒

訶子 沒石子 皂礬炒各兩 五倍子 細
 辛 防風 白檀 金絲礬 華撥 高
 茶 川芎各錢半 甘松去蘆 苓令香 麝香各
 錢 百藥煎 膽礬各錢 橡斗各
 右礬射另研余餘藥爲細末和勻早夜刷
 之

不老方治髭黑

熟地黄兩四 青楤 破故紙炒黃色 大黃八錢
 右爲末先刷淨蘸藥刷牙噙漱多時吐之

青絲散董仲祥經驗刷牙烏髮

白芷 白茯苓去皮 當歸去土 川芎 甘草各

錢 細辛去葉上 何首烏 寒水石燒作

五錢○筒 升麻 生地黃 地骨皮各二

丁香錢

右爲極細末逢庚日爲始早晚二次不見
 太陽刷牙餘有藥津休去漱從自然嚙之
 百日大效又治小腸氣養心神白者月餘
 黑

烏髭牢牙散王叔能摠管方

防風 何首烏 生地黃 石榴皮 楮

白皮 豬牙皂角 青塩各等分

右爲麤末以瓜萋一箇去蒂入藥在內用
帶掩之塩泥固濟火煨煙盡爲度碾爲細
末入生升麻北細辛等分射香少許別研
和勻每早灌漱畢用少許擦牙待片時藥
透溫水漱去使食物後用冷水浸鬚其黑
如墨神效簡奇方同

刷牙藥烏髭最妙久遠方

黑鉛不問多少柳條不問多少截成段子銅器炒之

五月桑柴灰

右爲細末每日刷牙

刷牙藥劉伯儀大效當歸實於鯽魚腹內以
麻皮扎定濕紙裏之鑽泥固濟用火煨之
黑煙出盡青煙出取出置地上出火毒研
細每日二次刷牙用津掠髭髮百日後自
然變黑常用不退

妙應散牢牙踈風理氣黑髭髮

白茯苓 遼參 細辛去葉 香附子炒去毛 白

蒺藜炒去角 川芎 縮砂各五錢 龍骨研 石膏

煨百藥煎 白芷各七錢 麝香少許研

右為細末臨卧早晨温水刷之

茴香散 此藥妙不可言

廣木香 茶各壹兩 八角茴香 乳香 人

菝各半兩 川練子二兩半 甘草 知母 小

茴香 貝母各壹兩半 沉香二錢 安息香二錢

右為細末好酒和聚窰乾為末每服三錢
空心酒下

經驗良方

牙

治牙痛

香附 藜蘆 樟腦 細辛 華澄茄

附風各等分

右為末擦之極驗崑山和尚方處州尹學

正傳

掃痛圓治風蛀牙疼引大陽穴痛

川烏半兩良姜一兩以青鶴虱壹兩

右為末風牙痛刀上燒塩同前藥擦如蛀

牙痛以白梅肉同前藥為丸塞之吳氏集驗方同

治諸般牙痛

梅花腦許少平胃散許少

右件合和擦牙疼痛立止

又方吳氏集驗方艾香生艾葉香附子等分

細剉濃煎温漱之

又方池礬炒為末指痛處涎出温塩湯灌漱

又方楓葉生者令痛處咬定

又方用香附子一兩青塩半兩大黃一兩獨

子臘株一兩四味用黃泥固濟同煨為末

每日作牙藥擦之

又方用大椒細辛蔓撥樹木穗猪牙皂角各

等分燒搗同為末擦壞處立愈却用水漱

去

治牙宜熱爛用羊蹄草含化即可

治牙疼鶴虱草花醋煎溫浴牙加椒數粒尤好浴得涎即吐去

又青塩安頓於竹內要緊燒過去竹同爲末香附子燒去皮毛爲末各等分加細辛末日逐擦痛處

治牙痛用華陰細辛多年陳石灰等分研爲細末擦牙痛處即止在灰如得城頭土者尤佳煙霞聖效方每用少許擦滲出涎溫水嗽

醫林方

神仙救苦散治頭疼牙痛

盆硝錢一 骷髏石燒一錢 沒藥少許 良薑一錢

右爲細末乳香少許噙水鼻內噴之

牙疼方

胡椒 路蜂窩各等分

右爲末每用一二盞同煎嗽之立効

又牙疼方蝦蟇眉上捏出白汁麪就爲丸如黍米大隨疼放在左右牙上咬之苦涎出休嚙

治牙疼方大角蒿不以多少

右為細末每用三四錢煎水嗽

治牙齒動搖髭鬚黃赤一服髭黑牙牢

生薑半斤 生地黃一斤各洗淨同研爛

取自然汁留滓又不蚰皂角十莖刮去皮
弦將前藥汁蘸皂角慢火炙令黃色用藥
汁盡為度并前藥滓同入瓷罐內封蓋用
火煨存性為末牙齒動搖用藥擦之髭黃
用鐵器內白湯調藥末三錢放二口臨附

時蘸洗髭鬚便黑

取蚰牙本分法

鵬砂一錢 硃砂壹錢 信半錢 附子尖十個

川烏頭尖七個 蟾酥上酥

右同為末和勻五月五日合者筋點藥牙
根上良久用手捻下

煙霞聖効方

葦撥散治風蚰牙疼臨清張先生傳方

細辛壹錢 葦撥壹錢 良薑壹錢 草烏頭半錢

右加胡椒一字同爲細末如牙痛先刷嗽
淨次用刷牙蘸藥疼處裏外刷嗽畢不語
少時常用則妙之

治走馬牙疳治大人小兒走馬牙疳蝕爛臭
穢唇鼻斷爛并傳惡瘡膿水不盡不能生肌
肉不能著痂者此藥三兩上見効

蜜陀僧半兩黃丹二錢枯白礬半兩天靈蓋一个
桑柴火通紅麝香少許
一本心燒通紅
同爲末用藥洗淨瘡拭乾貼之

洗漱藥方

荆芥穗一兩川小椒半兩葱白三莖
右將荆芥小椒同爲麤末每服用藥末壹
匙入葱壹處熬五七沸約用水一椀漂洗
畢上前藥

治牙痛聖安寺和尚

藍鼓七個芭豆叁个
右同爲泥丸如桐子大分作九九各用繇
裏隨左右安在耳內疼止取出遲生痛

又治牙痛

烏龍尾

屋上塵是也

青塩

右同為細末噙水隨疼處左右噙之

治牙宣

黃丹

飛

滑石

各等分

麝香

少許

右件為細末擦愈

壽親養老書

牢牙烏髭方紹定壬辰江淮趙大使尅復盱
眙時納合行省相公名買住來金陵子在趙

監軍廳同會納合年逾七十鬢髮髭鬚皆不
白質其所由謂吾國有行臺出典藩鎮髭鬚
皓然數載歸朝而鬚髮皆黑人怪其異自序
遇一方牢牙烏髭成久得効因傳其方却不
言分兩續乙巳年會張經歷朝請始得分兩
云紫壺温尉序

旱蓮草

二兩半

此草有二種一種是紫菊花爐火客用
之此一種再就北人始識之本草中名

藥類

十一

鯉腸草孫真人千金方名金陵草浙人謂之蓮子草其子若小蓮蓬故也

芝麻莘參此是壓油了麻枯餅是也

訶子二十个并核到不蛀皂角參月蠶沙二青塩兩

蓋青塩吾鄉少且貴價只以食塩代

之但藥力減少

川升麻參兩半最治牙疼

右為末醋打薄糊為丸如彈子大撚作餅

子或焙或曬以乾為度先用小口瓷瓶罐

予將紙筋泥固濟曝乾入藥餅在瓶內煆灰火中燒令煙出若煙淡時藥尚存性急取退火以黃泥塞瓶口候冷次日日出藥旋取數丸旋研為末早晚用如揩牙藥以温湯灌嗽使牙藥時須少候久用功莫大焉烏髭方甚多此方頗為奇異故抄之
吾祖知縣承議公家傳常用牢牙方

荆芥不可土芎 細辛 當歸

右為末使時未可用水漱須令藥氣入

牙內日久方漱為佳常用至老牙不動搖
施圓端效方

麝香散治急疔惡蝕肉損樂德全方

枯白礬二兩 黃丹一錢 麝香一字

右為細末研勻乾擦牙疔處頻上

玉粉錠兒治牙疔蝕損宜爛臭惡潞州李子良方

定粉二錢 信一字

右研勻細煮白麵脫冷淘了劑為錠子

如線廕乾用黃米許貼疔處後用麝香散

治之

麝香散

黃連二錢 銅礫一錢 麝香少許

右為細末貼疔蝕處蓋前藥

麝香錠子治急疔牙齦腐爛惡肉血臭牙落

朝城李道祥方

信礫 青黛 粉霜各二錢 銅礫 雄黃各一錢

輕粉一字

右研細煮麪脫冷劑為錠子如線先懸

拭去惡血淨食後用米許上蝕處神効

雄稜散治惡牙疳蝕腐臭花師方

雄黃 銅礫各半兩

一方加五倍子半兩麝香一字研勻荆芥

水洗嗽潔淨上之

麝膽散治走馬牙疳危惡候涇川張君玉方

銅礫半兩生白礬壹錢麝香少許

右為細末研勻勻上牙蝕處

雄黃散治牙疼安陽梁仲安方

雄黃 乾薑各等分

右為細末口含水啗一字鼻中三次疼止

○衛生易簡方各壹錢為末口噙小左邊

疼吹右鼻右邊疼吹左鼻每用一字

又方雄黃 紅豆 滄鹽等分

右為細末啗一字

又方地黃 雄黃等分

右為細末點耳內

又方單啗滄塩少許

滄清散治牙疼甚不可忍

滄塩四錢青黛半錢

右二味研勻疼邊鼻嗜少許一方去黛加

雄黃紅豆各半錢尤妙

失笑散治牙疼清豐盧茂之方

乾薑各等分雄黃各等分

右為細末口噙水嗜少許鼻中

牙疼方大名蔣安尚方

巴豆七粒去皮油塩鼓四十粒

右為細末醋糊為丸如桐子大乾用新絲

裹一丸同麝香少許內牙疔瘻內去涎一

時辰住疼

又方巴豆七箇去皮雄黃 大椒 葦撥 陀僧

各二錢

右為細末餅丸作錠子絲裏塞痛處

又方細辛 蜂房 荆芥穗各半兩

右為細末每用三錢水二盞煎至五分去

滓熱嗽

又方生地黄 升麻等分

為末水煎熱嗽三口痛止妙

又方屋松 白礬 蜂窩等分

右為麤末醋煎熱嗽漂牙

又方草烏皮去荆芥穗 細辛 良薑等分

右為細末擦疼牙上吐了涎沫鹽水嗽吐

了不得嚙妙

吳氏集驗方

捉痛散治風蛀牙疼

晉礬四兩生姜壹斤連皮切片

右壹處以銀石器熬令黃色不得焦入升

麻壹分北細辛半兩同為末擦之

撮腫湯治牙痛作腫

北細辛去土獨活 鶴蝨

右等分咬咀每服四錢水壹盞煎至八分

放溫漱

止疼散治牙疼高良姜火炙內外熟去皮

右為末先以荆芥湯漱用藥擦之

赴筵散治牙痛不可忍

北細辛兩半 葦撥錢二 良姜 草烏 紅椒目去

鵬砂錢各半 猪牙皂角 白芷各壹兩

右為細末指牙痛處涎出使吐鹽湯漱之

辛豆湯治牙疼

草烏 香白芷 細辛 附子皮 塊子

姜黃 紅豆 胡椒 香附子 良姜薄切

略葦撥錢各二 全蝎瓦上焙 蜂房壹箇 蜈蚣壹條

右並為末入乳香沒藥各少許擦用鹽漱

吐婦人以茴香四物湯煎令溫漱吐蛀牙

又以蝎圓藥塞孔中

神效名方

仙人散刷牙水水一斗 以黃米炒熟 研末

地骨皮二兩 酒青塩壹兩 黍粘子壹兩 細辛半炒

酒兩 合木料以酒 煎黃熟 黑熟為末

右為細末入麝香少許每用壽字臨臥擦

藥茶酒嗽良久吐出衛生易簡方同

又方石膏熟細辛 柳樅已上各等分

類聚卷之十三
二四

右為末擦之衛生易簡方同

治牙疳

米二停木塩一停盆減川麝香白糝

右相合木拌勻紙包裹燒黑燹為末貼瘡

上立止衛生易簡方同

治牙痛口噲冰水一口用大黃末紙撚隨左

右痛處鼻內任之立止衛生易簡方同

又方韶腦錢二好朱砂壹錢

右為末知用少許擦痛處衛生易簡方同

又方好紅花錢二花減少許

右為末隨牙痛處左右鼻內隨之衛生易簡方同

又方華細華去苗白茯苓去皮

川珠麻草蕪蠟華青塩明石膏川芎

不艸皂角去皮弦酥炙黃色

川已此資等分為細末早晚刷牙溫水嗽之

又牙痛處更此少許衛生易簡方同

又方高良薑壹塊全蝎一隻立川同

右為細末先用酸漿水漱牙次用藥末擦

類聚卷之十三

三五

類聚卷七十三

三

又方蟾酥塗絲上陰乾以米粒許塞牙縫
牙根腫者須針刺出血或血頓齒下難刺者
燒鐵物烙其齒亦宜艾灸頰車二七壯
急救仙方

治牙疼良姜草烏 二件為末揩齒有涎即吐
不可吞吐涎畢以塩湯漱口衛生易
又虫牙風牙喫藥有陰陽虛實服之春正氣
夏敗毒散加大黃只殼秋冬五積散消風
散

玉機微義 牙齒

治風之劑

局方細辛散方見本方

按此手陽明足少陰厥陰藥也

三因玉池散方見和劑局方

按此手足陽明厥陰藥也

百一選方治風牙疼方見是齋醫方

按此手陽明之藥也

御藥院方獨活散方見本方

按此足太陽厥陰少陰藥也

元戎立效散治牙疼

小椒 露蜂房 青塩等分

右為細末煎數沸熱嗽即止

按此足少陰藥也

東垣羌活散

方見本方

按此足三陽太陰藥也

治寒之劑

御藥院方丁香散

方見本方

按此足陽明太陰藥也

革薺散

方見御藥院方

按此足少陰太陰藥也

東垣白芷散

方見本方

按此手足陽明太陽厥陰藥也

治風熱之劑

元戎胡桐淚散

方見御藥院方

按此足陽明厥陰藥也

犀角升麻湯治陽明經受風熱口唇頰車連

卷之七十三

二十七

頁之七十三

二八

藥考世世
五

牙腫痛

犀角七錢半 升麻五錢 防風 羌活各半 川芎

白芷 黃芩 白附子各二錢半 甘草壹錢半

右咬咀水煎

按此手足陽明太陽藥也

治寒熱之劑

東垣當歸竜膽散方見本方

按此太陽陽明少陰厥陰藥也

益智木律散方見東垣試效方

按此足陽明厥陰藥也

麝香散方見東垣試效方

接此足陽明太陰藥也

攻下之劑

元戎調胃丸治齒痛血出不止右以調胃承

氣湯為末蜜丸服

升麻丸治陽明有熱攻注牙齒腫痛脉洪大

而實

細辛 升麻 防已 羌活 牽牛 大黃

續考世世
三九

右等分煉蜜丸桐子大每二十九溫水臨
睡服

按此二方陽明例藥也論云病源有手陽
明之支脉入於齒齒是骨之所終髓之所
養若風冷客於經絡傷於骨髓冷氣入齒
根則齒痛或胃與大腸俱熱大便秘結經
絡壅滯而齒斷痛者治法不同也

清胃涼血之劑

東垣清胃散

方見本方神功丸

方見東垣試效方

按此二方並陽明例藥也

治虫之劑

秘方馬夜眼燒存性爲末敷上立愈

瑞竹堂方治虫牙疼

方見本方

謹按牙齦生虫乃陽胃土濕熱甚而生也
學者宜治其本

補劑

金匱八味丸治腎虛牙痛

方見諸虛門

三因安腎丸治虛壅牙齒疼痛浮腫

方見腰脚門

按此二方並少陰例藥也

取牙藥

本事方取牙落不犯手

方見醫方大成

謹按牙齒動搖多因陽明風熱或濕熱疔
蝕牙齦坦露故久則動搖脫之漸也然亦
宜求其本而治其內堅藥擦其外庶或有
可安之意否則一以動搖取之非也况此
藥太躁恐非所宜姑采之以備其例爾
堅牙藥

聖濟總錄方治牙齒動搖

方見本方

食療云治牙動及血蠶並差其齒堅牢

皂角二梳半

右燒令赤細研夜夜用擦牙齒一月

西嶽華峯方

方見三因方

元戎麝香間玉散

醋石榴皮

訶子

各二兩

升麻

綠礬枯何

首烏

青塩

百藥煎

五倍子

沒石

子

各兩

白伏苓

一兩

細辛

石膽礬

各半

荷

葉灰 白檀 川芎 白芷 甘松 苓

芩香 茴香 藿香葉 猪牙皂角 灰木

别子 各二錢 畢撥 青黛 各一錢 麝香 一錢 腦子

半錢

右為末用藥後茶清漱又方無腦子加沉

香二錢

瑞竹堂方 煨藜散 方見本方

東垣白牙散 方見本方

嚴氏香搥散 方見本方

臞仙活人心

神功散治牙疳臭爛涎山者擦之神効

青黛 錢參 銅錄 錢二 晉礬 錢二 黃栢 錢二 藜蘆 錢二 枯

礬 錢二 黃連 錢二 麝香 半錢 輕粉 四錢 芒硝 錢二 人

言 此二錢用紅棗十枚去核勻分 此物入內於火內煨作灰

右件各為細末秤過入粉麝研爛隨時用

之

運化玄樞

孟春之月初十日人定時沐浴令人齒堅凡

齋戒沐浴皆當鹽沐五香湯其五香湯法
用蘭香荆花苓香青木香白檀各一斤
凡五物切碎以水二斛煮取一斛以自沐
浴也此湯辟惡除不祥降神靈并治頭風
壽域神方

齒部

治牙疼用經霜絲瓜蒂燒灰擦患處
一方用梨蘆末擦於牙縫中勿嚙汁神効
一方用巴豆七箇去油棗七枚射香五分三

味共爲末如縮砂大陰乾牙疼噙化吐痰
立妙

治風牙疼用天茄子煎湯洗頰其風自散
治虫牙疼其効如神用蛇泡葉搥爛取汁令
人仰臥滴汁於兩目內須臾間令明目人
用針鼻於眼眶四邊輕手刮出虫用白蓋
盛冰放虫於內卽聚成一塊取二次虫盡
痛愈其藥名各處不同其藤葉皆有刺如
野薔薇科樣結子七八月熟其子紅色可

食有二種一種大葉最好其方世人多不傳今特傳之

治牙疼欲落燒牛膝根灰內牙間妙
一方用痰藜末內於牙孔中神効

衛生易簡方

牙齒

治齒痛用白礬燒灰露蜂房微炙等分水煎數沸熱漱冷即吐換

治齒痛及落盡用膽礬細研以人乳汁和如

膏搽痛處或孔中日三四度止痛百日後

復生齒每日以新汲水漱令淨

治齒腫痛及口氣用細辛煮濃汁熱含令冷

吐出即差

治齒間血出用白礬煎湯含漱

治牙虫用雄黃末蜜丸如棗核塞牙間

治牙宜用礬石壹兩水三升煮壹升噙漱

治牙痛多將蒼耳子濃煎汁含漱○備預百

要方齒根腫痛不可忍方蒼耳子五升水

壹斗煮取五升熱含冷吐

又方用山豆根壹片含於疼處

治牙宣牙癰用蠶退紙燒灰存性揩齦上

治牙縫出血用蟾酥以紙撚子蘸少許於血

出處按之立止

治牙虫用杏仁燒煙未盡研如膏物裏內孔

中

治風虫牙痛頰腫用莽草五兩水壹斗煮五

升熱含漱吐之一日盡

治牙痛用槐白皮壹握剉細醋壹升煮去滓

入鹽少許溫含之日三易

又方用桃樹蛀屑壹撮醋煎澄清溫漱

治虛氣攻牙齒疼并血出牙斷痒痛用骨碎

補二兩剉炒令黑爲末依常盪漱後揩齒

上良久吐之臨臥用嚙之無妨

治牙疼或虫痛用巴豆肉壹粒大蒜壹瓣共

研如泥攤於方寸紙上卷爲个內於牙齒

疼耳中

又方用貓兒眼草一捻爛搗湯泡去滓含漱
良久吐之不可嚥

又方用蓖麻子五六個射香少許蒜鬚少許
燒棗少許和搗丸如棗核大絲裏塞耳內
又方用火戟火內燒熟放痛處咬之

又方用黑豆一撮葱白三莖艾葉一捻川椒
數十粒井花水半椀煎七分就熱噀漱

又方若諸藥不効用甘草濃煎汁噀漱三五
日定愈

治走馬牙疳用紅棗一箇云核包信少許以

濕紙裹定火內燒并黃蘗共爲末貼牙上

治大小人牙齒腐蝕氣臭出血并口瘡用鈔

白霜銅礫各二錢白礬一塊爲末以翎毛

掃上瘡以溫漿水漱之小兒不必漱

治打動牙齒用蒺藜根燒灰貼動牙卽牢

治牙齒動搖用冷水化塩數數含漱其根復

牢

治齒縫血出不止用五倍子燒過爲末傅之

血止

又方用紫礦乳香白礬射香等分爲末先以
煖漿水漱過後少少上藥如有水出卽和
藥更漱之夜乾貼

治牙虫作孔虫蝕疼痛用附子爲末鎔蠟和
丸塞耳內大妙

治牙疼用白楊皮爲末每服三錢熱醋調含
之漱灌乃牙疼之仙藥

治牙疼用露蜂房煎湯漱

治齒疼用胡荽子五合水五合煮壹合含之
愈

治大小人牙疳用雞腸草爛搗貼患處

又方用雙頭蓮卽催生草爛搗貼之

治食酸物齒齲用胡桃肉細嚼解之

御醫撮要

細辛湯主風牙齒疼痛

細辛

半兩

大皂角

青挺不蛀者

川椒

露蜂房

荆芥

獨活

各半

右並麤末每用一大撮水壹盞煎至七分
熱含冷吐

荆芥湯療牙齒風疼痛不可忍

荆芥

穗上川椒七粒一分

右件先以搗於銚于中炒以水三大盞同
煎十餘沸熱含冷吐忌猪魚醬蒜麪醋

備預百要方

齒疔齒墜

齒墜積年不差方苦瓠葉三十枚洗淨取雀

麥剪長二寸許廣一寸厚五分以瓠葉裹
了作五六十裹以陳醋漬之至日中取兩
裹火中炮令熱熨齒邊冷更易銅器中貯
水水解裹洗之卽有黃白虫出多至二三
十

又齒蛀用鯉魚膽絲裹帖齒根

又齲痛不可忍方桃人燒黑以痛齒咬之

又馬夜目絲裹咬之

牙齒痛方枸杞白皮切一升醋一升煮取半

升熱含冷吐

又齒根腫痛不可忍方生地黃桂心合嚼痛

又齒齲痛不可忍方生地黃桂心合嚼痛
又薏苡根四兩水四升煮取一升熱含冷吐

斷者更生

又細辛川椒露蜂房荊芥穗獨活各二兩大
皂角一挺右為散每用一大撮一以水一

盞煎至七分熱含冷吐

又椒酒濃煮熱含冷吐

牙齒宣露挺出方取生地黃絲裏著患處嚙

汁日三

齒宣露方搥含滿口熱水含令消不吸餘氣
令斷間痛候冷吐之常行之益佳

斷爛出血方芎藭含之

又升麻根常含嚙之

痛不忍白楊皮醋煎含之淡吐更含

又柳皮及枝酒煮含冷吐差為度

又野薔薇根煎含之

又芋勞根濃煎含之

風腫爛方白礬燒水煮含之冷吐差為度

又方獨活酒煮含之冷吐法上同

簡奇方

齒

麝香散治牙疳消腫去毒生肌斂肉

細膩蕎麪

參兩 青塩兩 壹

右水和蕎麵裏青塩以文武火燒透斷煙

搗羅為細末入射香少許溫水洗嗽潔淨

將藥於疳口乾貼忌食諸物肉菜濕麵大有神効可秘藏也

青金膏治走馬牙疳蝕損腐爛

信

壹錢輕粉

半錢粉霜

半錢青黛

二錢麝香

少許

右為細末小油調新筆寫在白紙上磨乾

每用少許上在疳蝕處白紙封

牙齒禁忌

巢氏病源

齒斷腫候

養生方云水銀不得近牙齒發腫善落齒
瑣碎錄

食牛肉損齒用薑尤甚

喫梨益齒損脾胃喫木瓜益脾胃損齒

齒鍼灸

得効方

齒病

齒間肉壅方多因食鹹熱物而得灸肩髃七
壯隨左右

又法灸耳垂下牙盡骨上三壯未效加壯數

經驗秘方

牙疼於痛處一壁手指第二節上當中灸三

艾如麥子大立効

神巧萬全方

針灸治欠久頰車蹉方消蠟和水傅之兼灸

背第五椎一日七壯滿三百壯未差灸氣

衝三壯脊前喉中甲骨中是

壽域神方

治牙癰此證生在牙床上頸亦腫一證如黃
鰓狀不能飲食用針針去血即妙

牙齒導引

巢氏病源

齒痛候

養生方云常向本命日櫛髮之始叩齒九通
陰魄日太帝散靈五老反真泥九玄華保
精長存左回拘月右引日根六合清練百
疾愈因咽唾三過常數行之使齒不痛髮

牢不自頭腦不痛

又云東向坐不息四通琢齒二七治齒痛病
大張口琢齒二七一通二七又解四通中
問其二七人勢以意消息瘥病而已不復
疼痛解病鮮白不梨亦不踈離久行不已
能破金剛

又云東向坐不息四通上下琢齒三十六下

治齒痛

風齒候

養生方導引法云凡人覺脊背皆崛強不問時節縮咽膊內仰面努膊井向上頭左右兩向按之左右三七一住待血行氣動定然始更用初緩後急不得先急後緩若無病人常欲得旦起午時日沒三辰如用辰別三七除寒熱病脊腰頸項痛風痺口內生瘡牙齒風頭眩終盡除也

齒蟲候

養生方云雞鳴時常叩齒三十六下長行之

齒不蠹虫令人齒牢

又云朝未起早漱口唾滿口乃吞之輒琢齒二七過使人丁壯有顏色去虫而牢齒又云人能恒服玉泉必可丁壯妍悅去虫牢齒謂口中唾也

齒齲注候

養生方云朝夕琢齒齒不齲又云食畢當漱口數過不爾使人病齲齒
瑣碎錄

呪齒痛用紙壹張隨大小方停捏作七重取
三寸釘壹枚於屋椽或梁上當紙中心釘
之下釘之時先吸南方氣壹口默呪曰南
山赤虫丁故來食我齒釘在椽梁上永處
千年紙每呪壹念令患人咳壹聲及吸壹
吸下釘搥壹搥如是七呪卽七吸氣七搥
釘其齒立効

咽喉門 一

附骨鯁

誤吞諸物 目錄

論

千金方

喉病

小續命湯 烏髮膏 母薑酒

千金月令

海上仙方

咽喉

雙蛾

骨鯁

聖惠方 一

治咽喉閉塞不通諸方

川升麻散 射干丸 犀角丸 龍腦散

附子散 升麻丸 皂莢煎 蛇蛻皮散

治咽喉腫痛諸方

桔梗散 絡石散 五香散 鈎霜散

升麻丸 地黃煎 龍腦丸

治喉痺諸方

木通散 犀角散 白礬散 馬牙消散

升麻散 消石散

治咽喉不利諸方

木通散 犀角散 生乾地黃散 竜腦

丸 射干煎 含化杏人丸

治咽喉風毒腫痛諸方

犀角散 射干散 牛黃散 竜腦丸

馬牙消丸

治咽喉卒腫痛諸方

馬蘭根散 絡石散 龍腦散

治咽喉疼痛諸方

類聚七十三
四十五

犀角散 射干散 馬兜零散 犀角散

含嚙丸

治咽喉乾痛諸方

升麻散 絡石煎丸 犀角丸

治咽喉內生瘡諸方

黃耆散 生乾地黃散 大青丸 白藥

丸

治咽喉閉塞口噤諸方

升麻散 半夏散 玄參散

咽喉門 二

聖惠方 二

治咽喉中如有物妨悶諸方

木香散 犀角散 訶梨勒散 半夏散

射干散 大黃散 龍腦丸

治尸咽喉痒痛諸方

金露丸 朱砂丸

治馬喉痺諸方

犀角散 竜腦散

治咽喉脛外腫痛諸方

黃膏

治懸癰腫方

玄參散 鵬砂散 白礬散 鉛霜散

治咽喉腫痛語聲不出諸方

生薑膏 苜蒲丸

治咽喉生穀賊諸方

射干丸 乳香丸

治咽喉生癰諸方

犀角散

治諸魚骨鯁諸方

治誤吞諸物諸方

和劑局方

咽喉

竜石散 如聖湯 鵬砂圓 玉屑無憂

散 如聖勝金錠 鵬砂散 吹喉散

如聖勝金錠 荆芥湯 解毒雄黃圓

大全本草

三因方

喉咽病證治

玉鑰匙 神效散 麻仁散

衛生十全方

咽喉

神巧萬全方

馬牙消散

助道方

治咽喉腫口內瘡

是齋醫方

千兩金元 南星防風散 立聖膏 立

應元 佛手散

瑣碎錄

喉風方

咽喉雜治

吞雜物方

治骨鯁方

易簡方

簡易方

烏犀膏 一字散

直指方

咽喉證治

膽礬散 山豆根圓 青解毒丸 絳雪

散 牛黃涼膈丸 僵蠶丸 遠志散

白藥散 七氣湯 半夏桂甘湯 通關

散

朱氏集驗方

如神散 油膏 藜蘆散 吹喉散

乳香散 白礬散 膽礬丸 草麻散

南星散 半夏散 雄黃散 防風立効

散 鬱金散 塩梅丸

嚴氏濟生方

三神湯 牛蒡子湯 二聖散 射干圓

管見大金良方

咽喉

竜腦飲子

卷之七
中

修月魯般經後錄

治病百法

誤吞銅鐵

魚刺麥芒

蘭室秘藏

咽喉

桔梗湯

御藥院方

咽喉

利膈散 龍腦散 龍腦破毒散 天門

冬丸 漱口地黄散 鵬砂散 祛毒牛

黃膏 實春冰散 消毒寬喉散 咽喉碧

玉散 麝香朱砂丸 龍麝聚聖丹 朱

砂膏 增損如聖湯 發聲散 發聲散

玉塵散 青雪散 代針散 白龍散

青竜散 鵬砂散 人參清肺散 救生

散 開關散 犀角散 鼠粘子散 五

痺散 如聖散 甘桔湯 青金散 桔

類聚 七十三

五十一

梗湯 涼膈甘露丸 消毒犀角飲子

會仙救苦丹 如聖丸 吹喉散 青鵬

砂散 疔藥斬邪散 吹喉散 青鵬

得効方

喉病

一十八種喉風證

實熱

虛熱

勝金散 防風散 玄明粉 追風散

雄黃散 蓬萊雪

骨鯁

神效解毒圓 備急圓

澹軒方

纏喉風

喉痺

咽喉腫痛

咽喉失音

骨鯁

類聚 七十三

五十一

魚骨鯁

魚骨諸藥不下

髮鯁

竹篾鯁

誤吞針釘之類

誤吞錢及食桐油

肘後方

治卒諸雜物鯁不下方

治卒誤吞諸物及患方

衛生寶鑑

咽喉

發聲散 三奇湯 玉粉丸

肺熱喉腥治驗

加減瀉白散

澹寮方

咽喉

一捻金散

咽喉門 三

聖濟總錄

咽喉

咽喉閉塞不通

二參湯 泄熱湯 升麻湯 真珠丸

蓬砂散 茯苓湯 比金散 去毒丸

立通散

喉痺

射干丸 如神丸 開關散 伏龍肝散

比金丸 透關散 丹砂酒 如聖散

烏頭散 勝金散 萬金單方 金消丸

二砂丸 散毒湯 射干湯

馬喉痺

生犀丸 龍腦丹砂丸 龍腦丸 天門

冬丸 生銀丸 七聖散 絳雪散 犀

角湯 玉液丸 胡黃連散 橘皮湯

凝水石散

咽喉腫痛

絡石湯 丹砂玫瑰丸 消毒丸 射干

膏 知母飲 丹砂牛黃丸 羚羊角湯
 天門冬丸 地骨皮湯 竹茹湯 木通
 湯 絡石射干湯 五香飲 蓬砂丸
 真珠丸 龍膽膏 三解湯 附子散
 丹砂散 搗薤膏 鶴頂丹 甘露散
 通喉散 絳雪散 如聖丸 蓬砂散
 絡石葉飲 桔梗湯 黃芩湯 射干丸
 乳香丸 射干湯 一捻金散 五香湯
 麻黃湯

喉中生穀賊

升麻湯 射干湯 茯苓散 象牙散
 五味子湯

咽喉腫痛語聲不出

沉香湯 竹皮湯 黃耆湯 桔梗湯

咽喉卒腫痛

竜腦散 惡實散

咽喉生癰

天門冬煎 射干湯 防風散 槐花散

馬牙消散

咽喉生瘡

背耆湯

龍膽煎

桃紅散

地黃湯

半夏湯

白藥丸

苦酒湯

杏人丸

牛黃金露丸

救命散

薔薇根飲

升

麻湯

黃連湯

桔梗湯

玫瑰丸

蓬

砂散

懸癰腫

啓關散

尸咽喉

黃藥湯 一捻金散

狗咽

昆布丸

馬牙消煎

玄參散

丹砂酒

附子散

二灰散

如聖散

黃白散

石膽散

惡實散

如神丸

咽喉中如有物妨悶

桔梗湯

防風散

木香湯

人參湯

羚羊角湯

射干湯

黃芩射干湯

絡

卷之三十三

五十三

石湯 半夏木通湯 黃耆甘草湯 人參丸 四味湯 厚朴湯 杏人丸 枳糠丸 杏人煎 桔梗湯 麥門冬湯 半夏湯

咽乾

龍腦鷄蘇丸 甘草湯 射干膏 貝母湯 乾地黄丸 厚朴湯 如雪湯 桔梗湯 貝母丸 雞蘇人參湯 龍腦散 咽喉諸疾

苦參丸 犀角湯 天門冬煎丸 紫苑湯 茯苓湯 犀角湯 調中人參丸 大青煎 寫脾大青湯 桔梗湯 菖蒲湯 赤茯苓湯 射干湯 禹餘糧湯 黃芩湯 通氣湯 龍腦丸 玄參丸 骨鯁 靈砂散 附子丸 立竹湯 桂香散 鷹灰散 半夏散 二白散 半夏白芷散

誤吞諸物

如聖散

居家必用

必用全書

咽喉證諸方

瑞竹堂方

咽喉

羅青散

粉香散

一捻金散

拔粹方

無比散

備急丹

防風通聖散

醫方大成

咽喉

甘桔湯

荆黃湯

利膈湯

南北經驗方

咽喉

袖珍方

咽喉

吹喉散

噙化三黃丸

奪命散

三黃

九 奪命丹 奪命筋頭散 鵬砂散

永類鈴方

雜病咽喉

瘡科通玄論

鎖喉瘡

經驗秘方

咽喉

膽礬散 奪命散 菖蒲大元 川芎元

通聲元 消毒元 烏龍膏 鈎霜散

吹喉散 人參甘草湯 奪命散 碧玉

散 出聲清肺散 千槌膏 吹喉散

經驗良方

纏喉風咽喉腫閉

帳頭散 止涎散

骨鯁類

醫林方

煙霞聖效方

青金散 利膈散

類聚世世
五

施圓端效方

咽喉

備急散 大鵬砂散 小鵬砂散 吹喉

散 如神散 小筋頭散 順氣丸 如

聖湯 奪命丹

吳氏集驗方

神捷散 南星飲 金絲散

神效名方

咽喉

事林廣記

山居四要

咽喉

咽喉門 四

外科集驗方

化毒托裏散 山豆根湯 吹喉祛風散

如聖散

新效方

急救仙方

類聚世世
五

玉機微義

喉痺

吹點藥

二聖散 白礬散 一字散 玉鑰匙

解毒雄黃丸

治熱之劑

竜腦雞蘇丸 牛蒡子散 桔梗湯

治火之劑

碧雪 涼膈散 麝香朱砂丸 竜麝聚

聖丹

治風之劑

如聖勝金錠子 利膈湯 半夏湯 蜜

附子

治痰之劑

礞石滾痰丸 桔梗半夏湯 玉粉丸

臞仙活人心

咽喉

玉關金鑰匙

類聚世世

運化玄樞

壽域神方

咽喉部

骨鯁部

誤吞諸物部

衛生易簡方

咽喉

誤吞物

骨鯁

金匱鈎玄

備預百要方

喉痺及纏喉風方

骨鯁方

餘藥無名者散見本方

鍼灸

導引

咽喉門

附骨鯁

誤吞諸物

巢氏病源

喉痺候

喉痺者喉裏腫寒痺痛水漿不得入也人陰陽之氣出於肺循喉嚨而上下也風毒客於喉間氣結蘊積而之熱吹喉腫塞而痺痛脈沉者爲陰浮者爲陽若右手關上脈陰陽俱實者是喉痺之候也亦令人壯熱而惡寒七八日不治則死

馬喉痺候

馬喉痺者謂熱毒之氣結於喉間腫連頰而微壯熱煩滿而數吐氣呼之爲馬喉痺

喉中生穀賊不通候

穀賊者禾裏有短穗而強澀者是也誤作米而人食之則令喉裏腫結不通令風熱氣在於喉間與血氣相搏則生腫結如食穀賊者也故謂之喉中生穀賊不急治亦能殺人

千金方

咽門論

夫咽門者應五臟六腑往還神氣陰陽通塞

之道也喉嚨胞囊舌者並津液調五味之氣本也不可不研乎咽門者肝膽之候也其重十兩廣二寸五分至胃管長一尺六寸主通五臟六腑津液神氣應十二時若臟熱則咽門閉而氣塞若腑寒則咽門破而聲嘶母薑酒主之方見後熱則通之寒則補之若寒熱調和病不生矣

喉嚨論

喉嚨者脾胃之候也重十二兩長一尺二寸

廣二寸其層圍十二重應十二時主通利水穀之道往來神氣若藏熱喉則腫塞氣不通鳥翼膏止之方見後若腑寒喉則耿耿如物常欲窒癢痺涎唾熱則開之寒則通之不熱不寒依藏調之方見後聖惠方

咽喉論

夫咽喉者生於肺胃之氣也咽者嚥也言可嚥物又謂之隘主通利水穀胃氣之道路故

爲胃之系咽重十兩廣二寸半至胃長一尺六寸也喉嚨者空虛也言其中空虛可以通於氣息呼吸出入主肺氣之流通故爲肺之系喉嚨重十二兩廣二寸長一尺二寸有九節故知咽門與喉嚨並行其實兩異也若藏熱則喉腫塞氣不能通若腑寒則哽哽如有物恒欲痛痒多涎唾是以熱則通之寒則補之不熱不寒依經調之寒熱和平病不生矣

三因方

咽喉病證治

夫喉以候氣咽以嚥物咽接三腕以通胃喉通五臟以系肺氣穀攸分皎然明白有爲水喉穀喉之說者謬說也千金復云喉嚨候脾胃咽門候肝膽亦非至論智者當以理推不可強存乎人矣諸臟熱則腫寒則縮皆使喉閉風燥亦然五臟久咳則聲嘶嘶者喉破也非咽門病咽腫則不能吞乾則不能嚥多因飲啖辛熱或復嘔吐略傷致咽系乾枯之所

爲也與喉門自別又有懸癰暴腫閉塞喉嚨
亦如喉閉但懸癰在上腭俗謂鶯翁又謂之
鵝聚俗語聲訛不可不備識
斷病提綱

咽喉謬

欲辨咽喉何所主喉主候氣咽嚥吐喉通五
臟系肺中咽接三脘通胃腑氣穀攸分義皎
然餘論不同皆謬誤諸臟有熱上熏蒸喉門
腫大加痛楚臟寒喉縮定無疑皆令喉閉妨

言語風燥須知病亦然久咳聲嘶喉損故咽
門腫則不能吞乾則咽物如有阻飲啖辛熱
吐咯傷咽系乾枯還致此懸癰腫大閉喉龍
但屋上膠殊其所或名鵝聚或鶯翁俗語聲
訛須記取谷賊尸咽病屬咽馬喉風痺喉門
主候吞諸物並不同薤白蜜絲牽引去
直指方

咽喉論

咽者胃之系喉者肺氣之所通咽以嚥物喉

以候氣理壹而分殊也自其風邪客於喉間
氣鬱而熱則壅遏而爲咽疼自其熱氣生於
肺胃風毒蘊隆則腫結而爲喉痺尸咽者陰
陽不和脾肺壅盛風熱毒氣不能宣通故令
尸虫發動上蝕於喉或癢或疼如蠶之候也
穀賊者穀芒強澁藏於米而誤食之滯於咽
門不能傳化故風熱併聚與血氣搏遂令脾
刺如喉啞之生穀賊也胃腕實熱燠炙上焦
發爲白頭赤根固有咽瘡之證臟腑停寒寒

則氣縮如物窒礙於其間亦有喉閉之證至
若懸癰生於上腭雖不關於咽喉所以暴腫
者抑亦熱氣使然也咽喉懸癰關要所係病
不急療皆能殺人然則療之將何如曰熱則
通之寒則溫之不熱不寒依經調之寒熱和
平病不生矣
朱氏集驗方

咽喉評

咽喉之疾本傷熱毒上攻也四時受熱藏心

肺之間壹旦所觸上攻咽喉所謂腎傷寒也然其證有單肉蛾雙肉蛾有車舌木舌胖腮有懸癰腫脹有裏外皆腫甚者上攻頭面皆腫大法先洗去口中舌上白胎其次掃去風涎如此單雙肉蛾可針則針有不可針者則用熏摻藥退後方依次用服藥如是木舌服用藥之外仍用摻胖腮則用塗藥輕者但服藥而自退不須用針及藥貼其瘡當自消也又有腑寒咽閉別有治法

嚴氏濟生方

咽喉論治

夫咽者嚙也喉者候也咽者因物以嚙喉者以候呼吸之氣物之與氣莫不由於咽喉也若陰陽和平榮衛調攝氣道無不宜暢矣攝養乖違喜餌丹石多食炙煇過飲熱酒致育膈壅滯熱毒之氣不得宣洩咽喉爲之病焉病則爲腫爲痛爲喉痺爲壅塞不通爲不利而生瘡或狀如肉癭吐不出嚙不下皆風熱

毒氣之所致耳又有伏熱上衝乘於懸癰或
長或腫懸癰者在乎上腭也更有腑寒亦使
人喉閉而不能嚥者治之當辨明也
嚴氏濟生續方

咽喉評治

夫咽者言可以嚥物也又謂之噎氣之流通
阨要之處胃之所繫地氣之所主也喉者言
其中空虛可以通氣息呼吸之道路肺之候
所天氣之所主也若藏氣和平則病不生藏

氣不平寒熱壅滯所以生病也醫治之要熱
則通之寒則溫之不熱不寒依經調之前方
論治具載已詳矣續得二方謾錄于后以備
緩急之需焉
管見大全良方

頤頷結核咽喉腫痛證治

頤頷結核者與消毒犀角飲牛黃涼膈圓玉
屑無憂散解毒圓四順飲子若咽喉腫痛者
與如聖湯或兼升麻葛根湯煎服亦炒龍腦

飲甘露飲消毒犀角飲薄苛煎牛黃涼膈圓
甚者與四順飲洗心散小三黃圓腦麝三黃
圓若嚙物有礙水漿不下者與解毒雄黃圓
如聖勝金錠石龍散無憂散可選而用之

骨鯁及誤吞銅鐵竹木刺等證治

誤吞銅鐵竹木刺及骨鯁者與玉屑無憂散
解毒聖授丹

儒門事親

喉舌綏急砭藥不同解

咽與喉會厭與舌此四者同在一門而其用
各異咽以納氣故咽氣通於天喉以納食故
喉氣通於地會厭管乎其上以司開闔掩其
咽其食下不掩之其喉錯必舌抵上齶則會
厭能閉其咽矣四者相交為用關一則飲食
廢而死矣此四者乃氣與食出入之門戶最
急之處故難經言七衝門而會厭之門為吸
門及其為病也一言可了一言者何曰火內
經曰一陰一陽結謂之喉痺王太僕注云一

陰者手少陰君火心主之脈氣也手少陽相火三焦之脈氣也二火皆主脈並絡於喉氣熱則內結結甚則腫脹腫脹甚則痺痺甚而不通則死矣夫足少陰循喉嚨俠舌本少陰上俠咽此二者誠是也至於足陽明下入迎循喉嚨足太陰俠咽連舌本手太陽循咽下鬲足厥陰循喉嚨之後此數經皆言咽喉獨少陽不言咽喉而內經言一陰一陽謂之喉痺何也蓋人讀十二經多不讀靈樞經中別

一篇具載十一經之正其文云足少陽之正繞脾入毛際合於厥陰別者入季脇間循胃裏屬膽散上之肝貫心以上俠頤上頤頷散於面繫目系合少陽於外眥也又手心上之正別下三寸入胷中別屬三焦出循喉嚨出耳後合少陽完骨之下是手少陽三焦之氣與手心主少陰之氣相合而行于喉嚨也推十二經惟足太陽別下項其餘皆湊于喉嚨然內經何為獨言一陰一陽結為喉痺蓋君

相二火獨勝則熱結正絡故痛且速也余謂一言可了者火是也故十二經中言噤乾噤痛咽腫頷腫舌本強皆君火爲之也唯喉痺急速相火之所爲也夫君火者猶人火也相火者猶菴火也人火焚木其勢緩菴火焚木其勢速內經之言喉痺則咽與舌在其間耳以其病同是火故不分也後之醫者各詳其狀強立八名曰單乳蛾雙乳蛾單閉喉雙閉喉子舌脹木舌脹纏喉風走馬喉閉熱氣上

行結傳於喉之兩傍近外腫作以其形似是謂乳蛾一爲單二爲雙也其比乳蛾差小者名閉喉熱結於舌下復生一小舌子者曰子舌張熱結於舌中舌爲之腫名曰木舌脹木者強而不柔和也熱結於咽頭腫遠於外且麻且痒腫而大者名曰纏喉風喉痺暴發暴死者名走馬喉痺此八種之名雖詳若不歸之火則相去遠矣其微者可以鹹熨之而大者以辛散之今之醫者皆有其藥也如薄荷

烏頭疆蠶白礬朴硝銅礞之類也至于走馬
喉痺何待此乎其生死人反掌之間耳其最
不誤人者無如砒鍼出血血出則病已易日
血去惕出良以此夫昔余以治壹婦人木舌
脹其舌滿口諸醫不愈余以銚鍼小而銳者
砒之五七度腫減三日方平計所出血幾不
盈斗又治一男子纏喉風腫表裏皆作藥不
能下余以涼藥灌於鼻中下十余行外以拔
毒散傅之陽起石燒赤與伏龍肝各等分細

末之日以新水掃百遍三日熱始退腫始消
又嘗治一貴婦喉痺蓋竜火也雖用涼劑而
不可使冷服爲龍火宜以灰逐之人火者烹
飪之火是也乃使爆於烈日之中登于高堂
之上令侍婢携火爐坐藥銚于上使藥常極
熱不至大沸通口時時呷之百餘次竜火自
散此法以熱行寒不爲熱病杆格故也夫抵
治喉痺用鍼出血最爲上策但人畏鍼委曲
傍求瞬息喪命凡用鍼而有鍼創者宜搗生

葛一塊調以熱白湯時時呷之則創口易合
銅人中亦有灸法然痛微者可用病速者恐
遲則殺人故治喉痺之火與救火同不容少
待內經火鬱發之發謂發汗然咽喉中豈能
發汗故出血者乃發汗之一端也後之君子
毋執小方而曰吾藥不動藏腑又妙於出血
若幸遇小疾而獲効不幸遇大病而死矣毋
遺後悔可矣

治病百法

喉閉

夫男子婦人喉閉腫痛不能言者刺兩手大
拇指爪甲角如韭葉是少商穴少商是肺金
之井穴也以銚針刺血出立愈如不愈以溫
白湯口中含漱是以熱導熱也

十形三療

咽喉腫塞

一婦人病咽喉腫塞漿粥不下數日腫不退
藥既難下鍼亦無功戴人以當歸荆芥甘草

煎使熱嗽之以冷水拔其兩手不及五六日
痛減腫消飲食如故咽喉之病甚急不可妄
用鍼藥

澹寮方

咽喉

喉者候也咽者嚥也咽接三筧以通胃故以
之咽物喉通五臟以系肺故以之候氣氣喉
穀喉皎然明白千金謂喉嚨候脾胃咽門候
肝膽未爲至論智者當以理推豈可強存乎

人諸臟熱則腫寒則縮皆使喉閉風燥亦然
五臟久咳則聲嘶聲嘶者喉破也非咽門病
若咽腫則不能吞乾則不能嚥多因飲啖辛
熱或復嘔吐咯傷咽系乾枯之所致也自與
喉病不同又有懸癰暴腫閉塞喉嚨亦如喉
閉狀但懸癰在上腭俗謂之鴛翁又謂之鵝
聚俗語聲訛亦當備識之

醫方大成

咽喉

咽喉者爲一身之總要與胃相接呼吸之所
從出若胃膈之間蘊積熱毒致生風痰壅滯
不散發而爲咽喉之病喉內生瘡或狀如肉
瓣爲腫爲痛窒塞不通吐嚔不下甚則生出
重舌治之尤宜先去風痰以通咽膈然後解
其熱毒遲則有不救之患又有熱毒衝于上
腭而生瘡謂之懸癰及腑寒亦能令人咽閉
吞吐不利臨病須詳審其證施以治法
聖濟總錄

咽喉統論

咽門者胃氣之道路喉嚨者肺氣之往來一
身之中氣之升降出入莫急乎是詳攷經絡
流注則咽喉所繫非特肺胃爲然故孫思邈
曰應五藏六府往還神氣陰陽通塞之道也
人之氣血與天地相爲流通咽喉尤爲出納
之要故內經曰喉主天氣咽主地氣其藏熱
則咽門閉而氣塞若府寒則咽門破而聲嘶
以至腫痛喉痺生瘡懸癰之屬與夫哽哽如

有物妨悶痛痒多涎唾其證不一不可槩以實熱爲治大牽熱則通之寒則補之不熱不寒依經調之湯劑蕩滌之外復有鍼刺等法要皆急去之不可緩非若藏府積久之病磨化訓養有非一朝一夕之功也

雜病咽喉

夫喉以候氣咽以嚥物咽則通水谷接三腕以通胃喉有九節通五藏以係肺並行兩異

氣谷攸分諸藏熱則腫塞不通腑寒則縮而哽哽如有物常欲痛痒多涎唾皆使喉閉風燥亦然當先去風痰次解熱毒

脉病證治

風熱上壅和劑甘桔湯依等分加荆芥

咽喉閉痛或生口舌瘡

即濟生三神散如聖勝金

鉗京黃湯御院射香朱

砂元本事利膈湯濟生

浚雪散澹寮牛旁子湯

其脉出於肺右關陰實陽俱沉為陰浮為陽

喉痺不語

牙關緊急痰壅及纏喉風

蕭牧牛急証咽喉科

御院碧玉元 三因玉鑰匙

解毒雄黃元 楊氏一字散

簡易烏犀膏 濟生二聖散

白礬散 御院如聖散 集

成巴豆煙熏法又非花水研

牛黃灌之

腑寒 咽門閉不能嚥

局方五香散 三因蜜附子

濟生射干元

七情所感

曾中緊咽喉中 有塊如梅核被絮

局方四七湯或去厚朴加桔

梗枳實甘桔湯

懸癰 在咽上垂腫

濟生朋砂散燒白凡一錢搥

花壹兩為末點綿裏筋頭 蘸搥搯之

糕噎死

氣尚溫

用茗蒂背土拍打三下即下

夷堅志

穀賊

谷法
鎗刺
屬咽

乳香硃砂琥珀松脂蝎為元

又細研馬牙消絲裏半錢並

噙津化下

馬喉風腫

洪腫
連頰
屬喉

澹寮牛旁子湯 濟生射干

元馬啣鐵壹具煎服馬鞭

草不見風取壹握截去兩

頭絞汁服

喉中發癰

白頸地竜十四條搗爛塗喉

腫 外赤小豆為末醋調塗荆

瘡科通玄論

喉痺瘡

柴木燒取瀝稍稍曬之差

夫喉痺瘡者風毒熱盛氣血相凝發於舌本
之端注在重樓之上全身之戶榮衛偏勝有
災傷百脉相通壹萬三千五百數

風邪毒熱盛閉塞不能通 諺曰風熱上

攻咽喉痛血凝舌本必成瘡堵塞重樓生

腫殍醫工謹意細消詳

先服涼藥洗心疏利上清吹喉散吹之

經驗秘方

咽喉論

夫喉主候氣咽主嚥物咽接三腕以通胃喉通五臟以系肺所謂喉咽者以愚觀之喉在前咽在後且於字義亦自可見喉字從俛俛者候也人之出入于門者必有所候以自達故自內出者喉達之于外自外入者喉達之于內呼者因陽出吸者隨陰入正如治家韜

以鼓故喉字從俛咽字從因因物而後嚥焉故咽字從因氣穀攸分皎然明白或有爲水喉穀喉之說者謬也借使喉果有二水與食同嚥豈能就中遽分爲二岐而入耶或有爲喉嚥候脾胃咽門候肝膽之說者亦非智者之論當以理推諸藏熱則腫寒則縮皆使喉閉風燥亦然五臟久咳則聲嘶嘶者喉破也非干咽門也咽腫不能嚥咽乾不能嚥多因飲啖辛熱或復嘔吐咯傷致咽系乾枯之所

爲也與喉門自別又有懸癰暴腫閉塞喉嚨亦如喉閉但懸癰在上腭俗謂之鶯翁鵝聚者是也馬喉閉者喉連頰腫氣吐而數狗咽喉者狀似喉痺氣塞不通尸虫食咽則咽生瘡而痒痛穀賊生喉則氣在喉而腫結或爲風邪所客則喉癰或爲風毒所結則咽腫其證不一

施圓端効方

咽喉

夫咽喉者全身之戶牖生命之要門榮衛和平降升道泰陰陽偏勝氣血稽凝熱毒攻上咽隘喉壅痛悶生瘡腫延堵閉氣息難通水藥不下若不急治天在朝夕經曰五藏氣爭九竅不通六府不和留結爲癰行散結治使先鋒神巧萬全方

咽喉方論

夫咽喉者氣之門戶也若藏府熱則上薰於

咽喉或腫或疼或痺或塞其候不一故曰諸候醫者觀其方之所主而用之

玉機微義 喉痺門

論喉痺爲火熱所致

原病式曰喉痺痺不仁也俗作閉由閉塞也火主腫脹故熱客上焦而咽隘腫脹也

子和曰內經云壹陰壹陽結謂之喉痺王太僕曰壹陰者手少陰君火心主之脈氣也云云若幸遇小疾而獲效不幸遇大病而死矣

母遺後悔可也

詳見儒門事親

論喉痺爲傷寒所致

龐氏曰經云伏氣之病古方謂之腎傷寒謂非時有暴寒中人伏毒氣於少陰經始衰不病旬月乃發脈微弱法當咽痛似傷非喉痺之病次必下利

謹按少陰傷寒一二日病乃不自太陽傳也因是經不足而卒中寒寒邪抑鬱內格陽氣爲熱上行於咽門經會之處寒熱相

搏而痛或成喉痺爲醫不察脉證虛實卽用寒涼之劑攻治卒致殞沒而患者自謂其分嗚呼冤哉殊不察少陰病咽痛及生瘡不能言聲不出者用甘苦辛溫制其標病以通咽嗑至若傷寒伏氣內發咽痛兼下利清穀裏寒外熱面赤脉微三者用辛熱之藥攻其本病以順陰陽科止則水升火降而咽痛自無也此非雜病一陰一陽結爲喉痺之比而不可妄施針砭及寒涼

之藥且夫火熱之動爲病急速子和論治已詳然傷寒伏氣爲病咽痛或腫本陰寒厥甚逼熱上行其喉爲痺逼熱下行必便膿血此標熱而本寒也仲景自有治例故子和略之不議若是則火熱喉痺腫甚者急用藥吹點或刺少商合谷豐隆湧泉關衝等穴以解脉絡之結輕者內與日辛涼劑降火制其標本亦不可使用苦寒之藥攻治儻有內寒格熱爲病吾恐反增有勢

矣

論喉痺為痰飲所致詳見咳嗽門痰飲

論喉痺為氣逆所致詳見諸氣門

論喉閉為風燥所因

陳無擇云風燥皆使喉痺咽腫則不能吞乾則不能嚥多因飲啖辛熱或復嘔吐咯傷致咽系乾枯之所為也與喉門自別又有懸門暴腫閉塞喉嚥亦如喉閉但懸壅在上腭俗謂鶯翁又謂之鵝聚俗語聲訛不可不備識

千金方

喉病

小續命湯加杏仁一兩○三因方經驗秘治方去皮尖七箇煎治

卒喉痺不得語方見諸風門

烏髮膏喉嚥者脾胃之候若藏熱喉則腫寒

神氣不通服之

生烏髮升麻 羚羊角 通草 芍藥

各二兩 薔薇根升切 生地黃切 猪脂二斤 艾

葉六銖生香尤佳

右九味咬咀絲裏苦酒壹升淹浸一宿內
猪脂中微火煎取苦酒盡膏不鳴爲度去
滓薄絲裏膏似大杏入內喉中細細吞之

治喉腫痛風毒衝心胃方

豉一升 犀角 射干 杏人 甘草各二

芍藥各 梔子七 升麻四 羚羊角一兩

右九味咬咀以小九升煮取三升去滓內

豉煮一沸分三服○聖劑總錄治咽喉腫

痛風毒衝心胃犀角湯方犀角鎊 杏人湯

去皮尖甘草炙 射干各一 羚羊角鎊 芍

藥一兩 梔子人 升麻二 右八味籠燻篩

每服五錢匕水一盞半煎至八分下豉二

又寸粒再煎一二沸去滓溫服

治風毒咽水不下及癰瘰腫方

升麻 芍藥各四 射干 杏人 楓香

葛根 麻黃各 甘草二

右八味咬咀以水八升煮取二升半分三

服

又方以水服苘荈子末兩錢匕神良

治喉痺方荆瀝稍稍咽之冬寒二升半公三

又方燒牛角末酒服之○衛生易簡方治急

喉痺水米不下氣息難出用牛角燒透為

末每服二三錢酒調下服之

又方臘月猪尾燒末水服之此

又方經驗秘方簡含雞屎白正

又方熬杏仁令黑含或末服之人

又方巴豆去皮針線穿咽入牽出

又方備預百要方喉閉馬蘭子半升水二升

煮取壹升半服之

又方煮桃皮汁三升服之

又方燒荆汁服之又水三升煮荆壹握取壹

升分三服

又方刺手小指爪文中出三大豆許血逐左

右刺皆須慎酒麪毒物千金翼

治喉痺及毒氣方桔梗二兩水三升煮取壹

升頓服之

經驗良方衛生易簡方同

正合燈火煎法

又方生薑二斤搗取汁蜜五合微火煎相和

服壹合日五六次

又方附子一枚破作大片蜜塗炙令黃含咽

又汁須臾含之甘盡更塗炙如前法

方蜜附子治腑寒咽門閉不能嚥醫方大成

南北經驗方神珍方永類鈴方玉機微義衛生易簡方作吞吐不利

又方去右切作大片蜜塗炙令黃含嚥津日

味盡更塗炙用諸方更以附子朱氏集驗

又方獨附煎治腑寒咽閉筋脉微弱附子一隻

用片或右用蜜炙黃嚥甘味下須詳脉方可

又方剝大蒜塞耳鼻日二易

治喉痺卒不得語方濃煮桂汁服一升經方

一蓋亦可末桂著舌下漸咽之良

又方煮大豆汁含之備預百要方同無豆用豉亦佳

又方以酒五合和人乳汁半升分二服

又方燒炊箬作灰三指撮水服之

又方芥子末水和薄之乾則易

類聚 卷之三十三

又方商陸苦酒熬令濃熱傅之

又方末桂心如棗核大繇裹著舌下須臾破

治喉卒腫不下食方以韭神功萬全一把擣

熬薄之煨碎錄經驗秘方冷則易千金翼方同

○聖惠方治咽喉卒生癰腫飲食不通方

右以韭一把擣熬乘熱以熨腫上冷復易

之以醋和塗亦佳經驗良方治卒喉腫垂

死能救療右韭一把擣貼項喉上頻換之

或用米醋吞

又方含上好醋口舌有瘡亦佳千金翼方

治懸癰乘熱暴腫長方三因方簡易乾薑半

夏三因方簡易等分末以少少著舌上三

方此下云燕津○聖惠方治懸癰神功萬

簡易方著舌下全方作

喉腫痛咽中生埵肉及舌腫方乾薑炮裂

半夏湯洗七右件藥等分擣細羅為散先

開口以鐵針刺破血出後用藥少許塗之

神效若痒時以生薑汁解之聖濟總錄治

懸離腫生息肉乾薑散方乾薑炮裂半夏湯洗
七徧各一分 右二味搗羅為散煠豉和塗所患處

又方煠末以筋頭張口柱之日五千金翼方此下自縮

三因方日五六次 ○千金月令主卒喉中生肉方

右以繇裏筋頭柱搠指日六七易聖惠方

治懸癰神巧萬全方作喉廕腫卒長數寸喉嚨內食

物不下方右以繇裏筋頭搠搠指之如此

二七遍効聖濟總錄點之日六十次

治懸癰咽中生息肉舌腫方日初出時向日

張口使婦人用左裙裾挂其頭上七下瘥

又方羊蹄草煮取汁口含之聖惠方煮汁熱

總錄此下云或以豉和塗之

又方煠豉和塗之聖濟總錄等分塗患處日三五次

又方取四五歲小兒尿合煠含之

凡喉痺深三因方作洪腫連頰聖惠方此下吐氣

數者名馬喉痺治之方馬啣一具水二

升煮取一升聖惠方一盞半分三服聖濟總錄細細合

秘方經驗良方水
參蓋煮一盞溫服

又方甞中蒼耳聖惠方三七枚燒末水服之

又方馬鞭草根壹握勿中風截去兩頭擣取

汁服聖惠方聖濟總錄經驗
秘方衛生易簡方同○三因方馬

鞭草根石擣自然汁每服嚙壹合許

又方燒穀奴灰酒服之立破聖惠方以酒調
服一錢立效

母薑酒咽門者肝膽之候若藏熱咽門則閉

而氣塞若腑寒咽門則破而聲嘶此證宜服

之

母薑汁二升酥牛髓油各一升桂心秦

椒各一兩防風一兩芎藭獨活各一兩

右九味為末內薑汁中煎取相淹濡下髓

酥油等令調微火三上三下煎平且溫清

酒一升下二合膏即細細吞之日三夜一

又方丹參升麻雄黃杏人鬼臼

甘草射干各一兩麝香半兩

右八味為末以蜜丸如梧子飲下壹丸加

至五丸日三酒服亦佳咽痛失聲不利用

之良

治咽傷語聲不徹方

酒 酥各一升 乾薑二兩 通草 桂心 石

菖蒲各二兩

右六味合和服一七日三

又方酒 酥各一升 乾薑末十兩

右三味以酒二合酥一匕薑末二匕相和

服日三食後服亦治肺痛

治啞塞欬嗽方聖濟總錄名杏人方

桂心六銖 去麤皮一分 杏人十八銖 去皮尖雙

人炒叁分研

右二味為末蜜丸如杏人大含之總錄每服含化

一丸細細燕津 細細咽汁日夜勿絕○肘後方人

患卒瘕取杏仁三分去皮尖熬別杵桂一

分和如泥取李核大絲裏含細細嚙之日

五夜三

治咽痛逆氣不能食方麻子一升熬令黑以

酒一升淋取汁空心一服一升漸至二升

多汗好覆勿觸風冷此方兼理產婦及丈夫中風如角弓反張口噤不開大驗與紫湯氣力同

治卒咽痛方懸木杓燒末水服方寸匕日三又方燒炊箆壹枚漿水服方寸匕

治卒風咽腫面腫方杏仁末和雞子黃更壽傅上乾復易之七八度若腫汁出煮醋和伏龍肝傅乾更易之○聖濟總錄治風熱毒氣攻咽喉卒腫痛頭面腫塗傅方杏仁

湯浸去皮尖雞子一枚右二味同研勻傅雙入半斤腫處卽消若濃黃汁出者醋調伏龍肝塗之

治尸咽方燒履鼻繩爲灰暖水服之○聖濟總錄治尸咽喉中痛痒如得蠱毒方故鞋鼻繩石壹味燒作灰每服壹錢匕溫水調服

又方燒麻子脂服之○聖濟總錄治尸咽喉中痛痒如得蠱毒方麻子右壹味燒取脂

酒調壹錢七服之差

治咽喉不利下氣方

射干 杏人 人參 附子 桂心 各一兩

右五味末蜜丸如指大含壹丸稍稍咽之

令藥味相接

治咽喉中痛癢 聖惠方聖濟總錄 吐之不出

咽之不入似得蠱毒方含生薑五十日瘥

○聖惠方右常含生薑差 神功 總錄生

薑切如半棗大含化嚙津液以差為度

又方以青布裹麻黃燒以竹筩盛 聖惠方 煙

熏烟中 聖濟總錄同

凡療病者皆以其類至如治哽之法豈宜以

鷓鴣主骨哽狸虎治魚哽耶至於竹篾薤白

嚼筋絲蜜等事及可通為諸哽用耳

治諸哽方 聖惠方治魚骨哽在喉中衆法不出方 取鹿筋漬之

令濡 聖惠方牛筋水浸之細擘 合而索之大如彈丸以

線繫之持筋端吞之入喉推至哽處徐徐

引之哽著筋出 備預百要方同

又方作竹篾刮令滑淨絲裏內咽中令至哽處可進退引之哽即隨出備預方同

又方用絲二兩以蜜煎使熱的的爾從外薄哽所在處灼瓠以熨絲上若故未出復煮一段絲以代前用者并以皂莢屑少少吹

鼻中使得嚏哽出別後方云治哽

又方煮薤白令半熟小嚼之以線繫薤中央捉線吞薤下喉至哽處牽引哽即出矣聖惠

方用後方備預百要方同○三因方蜜絲薤白通治諸

哽者薤白令半熟以線繫定手捉線少嚼

薤白嚙之度薤至哽處數牽引哽即出矣

一法絲一小塊以蜜煮用如食薤法得效方經

治哽咽方以虎骨末若狸骨服方寸匕○聖

惠方治魚骨鯁在喉中衆法不出方右以虎骨別後方為末或狸骨擣細羅為散以水調壹錢服之聖濟總錄治諸獸骨鯁虎骨散方虎骨右一味擣研細每服壹錢匕

水調下狸骨亦得

又方瞿麥末服方寸匕○聖惠方治魚骨鯁

在喉中衆法不出方右以蘧麥爲末水調

一錢衛生易簡方寸匕服之

治魚骨啞方鷓鴣屎服方寸匕神功萬全方同○聖

惠方治魚骨鯁在喉中衆法不出方右以

鷓鴣糞水調塗咽喉外即出備預百要方同

又方口稱鷓鴣鷓鴣則下神功萬全方別後方經驗秘方同

○備預百要方呪曰鷓鴣四十九遍又差

爲度

又方服橘皮湯神功萬全方經驗秘方簡奇方同○千金月

令熟嚼橘皮咽之聖惠方右常含橘皮即

下

又方服沙糖水神功萬全方同

又方燒魚網灰服方寸匕聖惠方神功萬全方水調一錢服之

備預百要方必效方云取魚網覆頭立下

灰水和服之經驗秘方聖惠方簡奇方同

治胃鯁在喉衆治不出方取粘糖丸如鷄子

黃大吞之不去更吞漸大作丸可至十九

止千金月令聖惠方肘後方衛生方衛生十

全方治魚骨硬入喉中及誤吞銅鐵皆可

用軟餕一塊如鷄子大嚼破成塊嚥之不

出再嚥即差瑞竹堂方同經驗秘方軟餕糖食

之即下方同簡奇壽域神方用餕糖再熬化丸

如鷄子黃大微嚼猛嚥吞之不下再作大

丸吞妙

又方燒虎狼屎服之○聖惠方右以虎糞或

狼糞燒灰細研以水調壹錢服之神功萬全方同

又方吞猪膏如鷄子聖惠方鷄子黃大不瘥

更吞瘥止

治食中吞髮咽不去繞喉方取亂髮燒末酒

服壹錢匕○千金月令右取梳下髮燒作

灰服方寸匕肘後方同聖惠方治食中髮嚥不

下方右以亂髮燒灰細研以粥飲調壹錢

服之壽域神方取自己髮燒聖濟總錄

治食中髮鯁不下遶喉血餘散方亂髮一

類聚七十三

九十一

燒右壹味研為細散每服壹錢匕粥飲調下

治吞錢方艾蒿五兩肘後方壽域以水五升

煮取一升頓服之即下聖惠方以水五大盞煎至一大盞半

去滓分二服即下

又方服蜜二升即出肘後方

又方末火炭酒服方寸匕聖惠方水服亦得

○千金月令主吞錢及諸鐵物方右服炭

屑方寸匕以下為度肘後方衛生十全方治

口中誤吞錢及銅鐵等物川木炭皮不拘

多少為末每服二錢濃米飲調下不過三

四服即裏錢鐵自大便中出甚効經驗秘

方誤吞針釘子魚骨雜物木炭研為細

末每服一錢冷水調下頻服自然裏於大

便中出簡奇壽域神方悞吞釘及箭金針

錢鐵等物燒火炭末服方寸匕即出又服

蜜三升即出衛生易簡方治誤吞錢金銀

釵環用炭燒紅急擣為末煎湯呷立効

類聚卷之十三
九十五

治吞金銀鑲及釵方白糖二斤一頓漸漸食之多食益佳○肘後方療誤吞錢取飴糖壹斤漸漸盡食之鑲及釵便出壽域神方衛生易簡

同方

又方吞水銀一兩再服之○聖惠方右以水銀半兩吞之再服即出肘後方壽域神方同

悞吞鑲及指彊方燒鴈毛二七枚末服之聖惠

方細研以水調服之鵝羽亦得○肘後方燒鵝羽數枚末飲之壽域神方白湯調服妙

悞吞釵方曝韭肘後方作雁兩主易簡方薤白令萎蒸熟勿

切食一束即出或生麥葉筋縷如韭法皆可用但力意多食自消聖惠方同

悞吞銅鐵而哽者方聖惠方治悞吞珠及錢而哽者方燒劍

弩牙令赤內酒用後方中飲之立愈聖濟總錄

與聖惠方同

悞吞釘針及箭鏃等方但多食脂肥肉令飽

自裹出聖惠方同○聖濟總錄肥猪脂肉不以多少

右一味煮令熟軟恣意飽食即下瑣碎錄

類聚卷之十三

九十五

誤吞針釘料子魚骨雜物多食肥羊脂肉

及諸肥肉自然裏出冊後方經驗秘方壽域神方簡奇方同

急救仙方誤吞針多食猪羊肥肉自瀉出

衛生易簡方同

治悞吞針方取懸針磁石末飲服方寸匕即

下古今錄驗云今吞針在喉中而服磁石

末入腹若含磁石口中或吸針出耳○聖

惠方右以上好磁石如小彈子大急救仙方衛生

易簡方含之仙方易簡即出聖濟總

一併方呵之錄同

千金月令

主喉痺方右以馬藟根和少水擣取汁服○

聖濟總錄治咽喉閉塞不通方馬藟根不拘

多右壹味擣取自然汁熱煖三合服即通

又含升麻咽汁經驗秘方備預百衛生易簡

方治喉痺腫用升麻剉含之

又擣艾封之○聖惠方治咽喉不利腫塞氣

道不通宜用此方右以生艾葉擣爛傅腫

上隨手即消冬月以熟艾和水擣汁塗之

亦佳備預百要方青艾莖葉壹握搗和醋

付外冬月用乾艾

外即差

出

主誤食物落鼻中及上人腦不出方右取羊

脂內鼻中以氣縮取脂脂消物隨出之

又吹皂莢末取嚏

療喉閉及骨鯁方右以臘月取青魚膽陰乾

如患此及著骨鯁即以膽少許口中含咽

津即愈

海上仙方

咽喉

咽喉閉塞不堪言鹽梅朋砂二味全一處和

調如棗大口中噙下免灾愆

咽喉急取蘆都根好酒調來一處煎竹筒嚙

入喉中去要交其骨自安然

雙蛾

牛膝山根自然汁男女左右鼻中吹先用水

插成藥了酒調下服病皆除

骨鯁

骨鯁難醫叫苦天金鶯根用米醋煎入喉莫沾牙齒上骨出時下遇神仙

骨鯁砂仁甘草停若無只用野苧根金鳳花子連根用單用有效得救人

聖惠方一

治咽喉閉塞不通諸方

夫咽喉者氣之流行通於上下五藏六腑呼吸之道若藏腑充實脾肺壅滯風邪熱毒積滯在內搏於經絡攻於上膈則氣道否澀

不得宣暢故令咽喉閉塞不通也

治咽喉閉塞不通疼痛飲食不得宜服川升

麻散方

川升麻半兩絡石一兩當歸半兩射干半兩犀角屑

半兩甘草微赤剉杏仁半兩湯浸去皮尖木

通半兩

右件藥搗篩為散每服四錢以水一中盞

煎至六分去滓不計時候溫服

治咽喉閉塞不通含化射干丸方

射干一兩 川升麻一兩 豆豉半兩 芎藭兩 杏仁半兩

湯浸去皮尖 雙日草 半兩 炙微赤

右件藥搗羅為末鍊蜜和丸如半棗大每

日四五度以新絲裏一丸含嚥津

治咽喉閉塞不通含嚥犀角丸方

犀角屑兩 羚羊角屑兩 川升麻半兩 生乾地

黃半兩 耆兩 甘草半兩 炙微赤 馬兜零根兩

馬牙消兩

右件藥搗羅為末鍊蜜和丸如棟實大每

日四五度以薄絲裏一丸嚥津

又方牛蒡子兩 馬牙消兩 甘草半兩 生到

右件藥搗羅為末鍊蜜和丸如半棗大日

四五度以新絲裏壹丸含嚥津

治咽喉閉塞疼痛宜服龍腦散方

龍腦一分 石膏二兩 飛過細研 滑石兩 朱砂一分 鵬

砂一分

右件藥都細研為散每服不計時候以新汲水調下半錢絲裏含嚥津亦得

治咽喉塞閉附子散方

附子一顆炮裂去皮臍切馬藺子一牛蒡

子一兩

右件藥搗細羅為散每服以溫水調下壹錢口四五服

治咽喉閉塞津液不通宜服升麻凡方

川升麻半兩馬藺子一分白礬一分馬牙消一分玄

參一分

右件藥搗羅為末鍊蜜和丸如棟子大川

薄絲裏常含壹丸嚥津

治咽喉閉塞腫悶宜點皂莢煎方

皂莢上挺下四字古錢二十搗麻根一大

天劍根一握白蘭刺根一大消石一兩白

搗一兩硃砂一兩

右件藥先以皂莢槌碎以水三升浸壹宿

熟按濾過以煎諸草根及古錢至壹升濾

去滓却下消石等末煎待汁稍稠便入錫

壹兩更煎候如稀餈放冷以筋頭及雞翎

類類點於咽門腫處

治咽喉閉不通 聖濟總錄治尸咽喉疼痛 蛇蛻皮散方

蛇蛻皮一分 白梅肉一分 牛蒡子兩 甘草一分

生用

右件藥搗細羅為散每用絲裏壹錢湯浸

少時含嚙津 神巧萬全方同

又方硃砂 馬牙消分等

右件藥細研令勻用銅筋頭於水中蘸令

濕搵藥末點於咽喉中 神巧萬全方同

又方射干兩 當歸兩

右件藥細剉以水二大盞煎至一大盞去

滓細含嚙之

又方馬蘭子兩 蔓荆子兩

右件藥搗細羅為散每服不計時候以煖

水調下一錢

又方赤馬糞汁合 生薑汁合 童子小便合

右件藥相和攪令勻徐徐灌入喉中即立通

治咽喉閉塞不通須臾欲死宜服此方右取馬藷根汁飲之若無煎刷汁亦得

又方右取紅藍花擣絞取汁一升漸漸服以

差為度

壽域神方同

如冬月無濕花可浸乾者

濃絞取汁如前服之

衛生易簡方同

○聖濟總錄

紅藍花

不拘多少

右一味擣取自然汁每服三

合旋旋嚥下無生花以乾者浸攪濃汁温

服亦通

又方消石

一兩

右研令細以絲裏如棗核大塞鼻中患左邊塞右邊右亦如之重者須臾即膿血出輕者便自消

又方右以葛根燒為灰細研每服以水調下

二錢

治咽喉閉塞及噎湯水下難宜服此方牛涎

一大盞入少許盪攪和頓服立差

治咽喉閉塞不通甚者宜用此方

巴豆

一枚去大皮○神效萬全方去皮膜

除取內外鼻中翳

右鑽中心絲裏令有出氣處內於鼻中隨
腫左右時時吸氣令入喉中立効○瑣碎
錄巴豆壹个去皮尖火上炙熟用紙裹塞
鼻朱氏集驗方巴豆二三粒去殼搥碎右
攤紙上捲作卷插入鼻一頭以火燒借氣
卽通醫方大成治咽喉牙關緊閉用巴豆
去殼以紙包巴豆肉用竹管壓出巴豆油
在紙上以此紙作撚子點燈吹滅以煙薰
入鼻中卽時口鼻涎流牙關開矣醫方集
成南北

經驗方袖珍方同類鈞方云一方壽域
用熟煙刺入口內卽出涎或瘀血

神方用巴豆去殼不拘多少以皮紙裹搥
破壓令油滲帑上去豆收帑遇有患者以
帑作撚用火點著有焰起吹滅帶火刺喉
內腫處病勢重者再刺之有痰出或血出
卽愈如口禁不開以此藥一團安瓶中燒
薰兩鼻孔內噴涕卽便口開衛生易簡奇
簡方同
方喉閉以紙裹巴豆一箇切作兩截塞鼻
口出血卽愈

又方芥子參

右搗細羅為散以水蜜調為膏塗於外喉

下燂之乾即易之神巧萬全方同

又方右取無摠子皮半兩含之微微嚙汁即

立差

治咽喉閉塞腫痛水米不通方右取蝸牛蟲

一枚繇裹水浸含之須臾便通

又方右取蛇蛻皮一條瓶子內緩火燒令煙

出即以筆管引煙入喉中熏之差備預百要方同

○瑣碎錄喉閉纏喉風蛇退皮燒作灰每

用壹錢以竹筒子吹入喉內壽域神方咽

喉閉塞用蛇蛻壹條無問大小用磁器內

燒過存性研末將蘆管吹入喉內少許不

過三次其喉自開妙

又方經驗良方治急喉蛇蛻皮一寸裏白梅

肉良方白梅含燕津

又方馬勃濃煎汁灌之即通朱氏集驗方同

又方白礬如碁子大含之須臾便通

治咽喉閉塞喘息不通須臾欲絕方右以地
竜一條爛研內雞子白相和攪令勻便瀉
入口卽通

又方右以猪牙皂莢三挺塗酥炙令黃擣羅
爲末每服以蜜水調下半錢

又方蟻螬二枚研絞取汁點於喉中卽開
治喉閉垂命不辯人方右以銅黃如杏核大
以熱湯研化灌之立愈

治咽喉腫痛諸方

夫咽喉者爲脾胃之候氣所上下脾胃有熱
則熱氣上衝致咽喉腫痛夫生腫痛者皆挾
熱所爲也若風毒結於喉間其熱盛則腫塞
不通而水漿不入便能煞人藏腑氣微熱氣
上衝咽喉亦能腫痛若不早治卽漸至閉塞
也
治咽喉腫痛結毒氣衝其胃心宜服桔梗散
方

桔梗一兩去犀角屑一兩羚羊角屑一兩赤芍

藥一川升麻二梔子人兩甘草一兩炙杏一兩雙人雙人湯浸去皮尖微黃

右件藥搗籠羅為散每服四錢以水一中盞煎至六分去滓不計時候溫服

治咽喉腫痛熱毒氣在於胃心及一切風熱宜服絡石散方

絡石半木通一兩川升麻一兩射干一兩犀角屑壹兩玄參一兩梔子人半兩桔梗一兩蘆頭半兩芍藥壹兩馬牙消二兩

右件藥搗篩為散每服三錢以水一中盞入青竹茹一分煎至六分去滓不計時候溫服

治咽喉腫痛諸惡氣結塞宜服五香散方

沉香壹兩木香壹兩雞舌香壹兩薰陸香壹兩衛生易簡方各壹兩麝香壹兩衛生易簡方各壹兩衛生易簡方各壹兩

右件藥搗細羅為散入麝香研令勻每服二錢以水一中盞煎至六分不計時候溫

服和劑局方醫方大成集成南北經驗方補珍方承類鈞方同

治咽喉腫痛風熱上攻胃膈心神煩熱宜服
鈎霜散方

鈎霜壹分 磁藥壹兩 馬牙消壹兩 竜腦壹分
細研 羚羊角壹兩 黃耆壹兩 黃芩二兩 甘草叁分
炙微 赤剉

右件藥搗細羅爲散都研令勻每服不計
時候以冷水調下一錢

治咽喉腫痛熱毒在肺脾上膈壅滯心神煩
悶宜服含化升麻丸方

川升麻壹兩 川人黃壹分 玄參壹分 甘草半兩
炙微 射干壹分 馬牙消叁分 杏仁半兩 湯浸去
皮尖雙 人梨黃 炒微

右件藥搗羅爲末鍊蜜臘和丸如杏核大
每服以綿裹一丸含嚙津口五六服

治咽喉腫痛祛熱毒利胃膈地黃煎方

生地黄壹斤 研 白蜜五兩 馬牙消叁兩

右件藥先將地黃汁蜜入於石鍋內慢火
熬成膏去却火次下馬牙消攪令勻用瓷

合盛不計時候抄一杏核大含嚙津冷水調下亦得

治咽喉腫痛立效竜腦丸方

竜腦分一白藥壹兩搗羅爲末

右件藥同研令勻鍊蜜和丸如雞頭實大

常含一丸嚙津

治咽喉腫痛嚙物不得方

聖濟總錄名蛇蛻散

蛇蛻皮壹條燒令烟盡馬勃壹分

右件藥細研爲散以絲裹一錢含嚙津

治咽喉卒腫不下食方

白頸地竜二十枚○神巧萬全方二十七枚

右爛搗塗於喉外以帛繫之瑣碎錄同聖濟總錄兼治

癰發喉中

又方右取牛蒡子搗碎以絲裹二錢熱水浸

過含嚙津神巧萬全方同

又方右取地龍壹條著搥淹令化爲水取蜜

少許調勻服之

又方右取鮫魚膽滴入喉中如喉嚨痛以膽

塗喉嚨外腫痛處極妙

又方右取馬牙消細研以竹筒子吹入喉中

立差

治喉痺諸方

夫喉痺者為喉裏腫塞痺痛水漿不得入也
人陰陽之氣出於肺循喉嚨而上下也風毒
客於喉間氣結蘊而生熱故喉腫塞而痺痛
也其脉沉者為陰浮者為陽若右手關上小
陰陽俱實者是喉痺之候也亦令人壯熱而

惡寒若七八日不治則必至危殆也

治喉痺心胃氣悶咽喉妨塞不通宜服木通

散方

木通二兩 赤茯苓二兩 羚羊角屑一兩 川升

麻半兩 馬蔞根壹兩 川大黃一兩 碎微炒 川芎

消二兩 前胡二兩 桑根白皮二兩

右件藥搗麤羅為散每服三錢以水一中

盞煎至六分去滓不計時候溫服

治喉痺氣隔胃滿咽腫宜服犀角散方

犀角屑壹兩射干壹兩馬蘭根壹兩枳殼壹兩炒

微黃馬牙消壹兩甘草壹兩

右件藥搗篩為散每服三錢以水一中盞入竹葉二七片煎至六分去滓不計時候稍溫含嚥

治喉痺腫痛飲食不下宜服此方

桔梗壹兩去甘草壹兩

右件藥都剉以水二大盞煎至一大盞去滓分為二服服後有膿出即消○瓊碎錄

喉閉用桔梗甘草各一兩剉用水五盞煎

數沸服有膿出即愈山居四要咽喉痛用

桔梗甘草煎湯徐徐呷衛生易備預百要

方喉閉飲食不通欲死方桔梗二兩甘草

一兩麤末水三升煮取一升頓服兼治馬

喉痺馬項長故凡痺在項內不見處

治喉痺咽喉腫痛上膻風熱痰唾不利宜服

此方

川升麻壹兩射干叁分白藥叁分絡石壹兩白礬

類聚卷之三 百三

灰半兩甘草壹兩生剉黃藥壹兩天竹黃二兩細研馬牙

消二兩
細研

右件藥搗細羅為散同研令勻每服以新

絳裏二錢含嚙津

又方烏蛇皮壹分燒灰白梅壹分甘草壹分桂心壹分

分半

右件藥搗細羅為散每服以新絳裏二錢

含嚙津立通

又方白礬灰兩白附子一兩炮裂

右件藥搗細羅為散塗在舌上勿嚙津有

涎即吐之○聖濟總錄白礬燒令汁白附

子搗末各右二味研令勻塗在舌上嚙津

又方聖濟總錄白殭蠶一分玄參一分白礬灰

一分○總錄甘草一分○總錄半錢

右件藥搗羅為末用鮫魚膽和丸如小豆

大每服以冷薑湯下十九日三四服

治喉痺氣悶白礬散方

白礬兩硃砂兩馬牙消兩

右件藥於瓷合子內盛用塩泥固濟候乾
以炭火斷令通赤取出細研用紙兩重勻
攤置於濕地上以物蓋之一宿出火毒後
再細研爲散每服半錢內於竹管中吹入
喉內須臾卽通如是咽門腫只以篋子抄
藥點於腫處嚙津卽差

治喉痺氣欲絕馬牙消散方

馬牙消

消石

鵬砂

以上各半兩

右件藥以瓷瓶子內盛用塩泥固濟候乾

以慢火斷成汁良久取出候冷於地坭子
內先以甘草水灑後用紙三重裹藥以土
蓋之三宿出火毒後取出細研爲散每服
半錢用篋子抄內咽中嚙津更以竹管吹
入喉中差

治喉痺腫熱痛悶升麻散方

川升麻

一兩

馬蘭子

二兩

右件藥擣細羅爲散每服以蜜水調下一
錢備預百要方同

治喉痺熱毒氣盛痛腫不已宜點消石散方

消石 白礬 砒霜 已上各半兩

右件藥同細研於瓷合中盛塩泥固濟候乾炭火中燒令通赤取出內地坩中三日出火毒細研如粉咽喉腫閉處點少許便破

治喉痺立效方

蝸牛 七枚 白梅 叁枚

右件藥同爛研絲裹如棗核大含嚥津即

通

又方右取地龍壹條細研用白梅去核以皮裹之重著薄絲再裹含嚥津 神巧萬全方同 立效

又方白殭蠶 微炒○備預百要方皆取直者

右件擣細羅為散每服以生薑汁調下二錢 神巧萬全方同 ○瑣碎錄喉痺不開及纏喉風

欲死者用白薑蠶為末以生薑自然汁調半錢灌下立開聖濟總錄治纏喉風一切喉痺危急如聖散方白殭蠶 不拘多少直者新瓦上炒

右壹味為末用生薑自然汁和丸如雞頭
 實大含化急者生薑汁調壹大錢以竹筒
 子灌入喉中立效經驗良方治中風急喉
 痺欲死右白殭蠶直者不拘多少以火焙
 乾令黃色為末生薑自然汁調灌喉中涎
 出効

又方右取塩麩子擣羅為末以赤糖和丸如
 半棗大含嚥津

又方右以附子炮裂去皮臍塗蜜炙乾復

之復炙至數遍令蜜通徹放冷含之微微
 嚥汁

治咽喉不利諸方

夫腑藏冷熱不調氣行上下哽澀結搏於喉
 間吞吐不利或寒或壅故咽喉不利也
 治心胃氣澀咽喉噎塞妨悶不利宜服木通
 散方

木通 一兩
 赤茯苓 一兩
 羚羊角屑 一兩
 川升麻 一兩
 馬蘭花 半兩
 前胡 一兩
 蘆頭 一兩
 桑根白皮 一兩

劉川大黃一兩剉碎微炒

右件藥搗篩為散每服五錢以水壹大盞煎至五分去滓不計時候溫服

治咽喉毒氣所攻氣息不利心胃煩悶宜服

犀角散方

犀角屑一兩 川升麻一兩 木通一兩 射干一兩 前

胡一兩半 盧一兩半 川大黃一兩

右件藥搗麤羅為散每服三錢以水壹中盞入竹葉二七片煎至六分去滓更入朴

消末壹錢攪合勻不計時候溫服

治脾肺壅毒咽喉不利腫痛煩熱宜服生乾

地黃散方

生乾地黃一兩 鷄蘇苗一分 赤茯苓一分 射干一分

犀角屑一分 麥門冬一分 玄參一分 甘草一分

半兩炙微赤剉

右件藥搗麤羅為散每服三錢以水壹中盞入竹葉二七片煎至六分去滓不計時

候溫服

治脾肺壅熱咽喉不利宜服通津液利咽喉
龍腦丸方

音腦一錢細研牛黃一錢細研朱砂半兩細研人參

一兩去赤茯苓一兩羚羊角屑半兩犀角屑兩

麥門冬一兩半去心焙

右件藥搗羅為末入研了藥令勻鍊蜜和
丸如梧桐子大每服不計時候以溫水下
十九

治咽喉風熱不利疼痛咽乾舌澀宜服射干

煎方

射干兩一川升麻兩犀角屑兩當歸兩杏人

雙兩湯浸去皮尖甘草半兩炙

右件藥搗羅為末以豬脂半斤微火煎三

上三下去滓入白蜜四兩攪令勻以瓷合

盛每服杏子大繇裏含嚥津以利為度

治上膈壅滯風冷傷肺氣道痞塞咽喉不利

宜服含化杏人丸

杏人壹兩湯浸去皮尖射干兩人參一兩
雙兩湯浸去皮尖

頭附子半兩炮裂去皮勝桂心半兩

右件藥搗羅為末鍊蜜和丸如雞頭實大以新絲裏壹丸含嚙津以利為度

又方隨所患左右刺手小指甲令血出效

治咽喉風毒腫痛諸方

夫咽喉者氣液之通流肺脾之道路呼吸出入水穀往來莫不自於咽喉也若陰陽不調肺脾壅滯風邪搏於經絡伏留於上膈攻注咽喉結聚腫痛故名風肺也

治咽喉腫痛皆因風熱在於肺脾邪毒壅滯心胃不利宜服犀角散方

犀角屑壹兩射干二兩赤芍藥壹兩杏仁二兩湯浸去皮

尖雙人參壹兩羚羊角屑壹兩甘草壹兩炙梔子壹兩

人兩川升麻壹兩漢防已壹兩

右件藥搗羅羅為散每服三錢以水壹大盞入鼓半合同煎至五分去滓不計時候

溫服

治風毒攻咽喉腫痛水漿不下宜服射干散

藥類世世
百病

方

射干二兩赤芍藥壹兩川升麻二兩杏仁壹兩

皮尖雙人牛蒡子壹兩楓香壹兩葛根二兩麻

黃根一兩去甘草二兩微赤兩

右件藥搗麤羅為散每服三錢以水壹中

盛熱至六分去滓不計時候溫服

治咽喉風毒腫塞疼痛牛黃散方

牛黃細研龍腦細研真珠末參分金薄片五十

鈎霜一分犀角末參分太陰玄精參兩燒熟

右件藥都研令細每服以新汲水半盞調

下一錢日五七服若乾含半錢燕津亦得

治咽喉風毒及急喉閉腫痛下湯飲不得宜

用龍腦丸方

龍腦半兩朱砂半兩牛黃半兩礪砂半兩麝香錢一馬

牙消一分

右件藥都細研用大羊膽壹枚取汁和丸

如梧桐子大鋪於紙上令乾收於瓷器中

如患者將一丸擘為兩片安在兩邊鼻內

藥類世世

百病

良久吐出惡物即差

治咽喉風毒腫痛煩熱不止四肢不利宜服

含化馬牙消丸方

馬牙消參分犀角屑一分川升麻半甘草一分

赤微真珠末一分黃藥一分鵬砂一分牛黃半

研細

右件藥搗羅為末入研了藥令勻鍊蜜和

丸如雞頭實大每服一丸含化嚥津

治肺脾風毒上攻咽喉腫熱不通方

射干二兩川升麻一兩木通一兩羚羊角屑一兩

赤芍藥一兩薔薇根二兩艾葉半猪膏二斤生地

黃汁五合

右件藥細判以絲裹用醋一升漬淹壹宿

內地黃汁猪膏中微火煎取醋盡膏不鳴

為度去滓用薄絲裹如杏核大含嚥津甚

良

治風毒攻咽喉及頭面腫痛方

杏人參兩湯浸去皮尖雙人

右以鷄子黃拌和搗令乳入傅之帛裏乾
即易之日七八度差

治咽喉卒腫痛諸方

夫咽喉卒腫痛者由人藏腑充實肺脾暴熱
之所致也或有服餌丹石毒氣在藏熏蒸上
焦而又多食炙煖熱酒衝於脾肺致胃膈壅
滯氣道否澀熱毒之氣不得宣通故令咽喉
卒腫痛也

治咽喉卒腫痛熱毒在胃膈宜服馬蘭根散

方

馬蘭根二川升麻射干壹兩犀角屑壹

玄參壹兩木通壹兩蘧麥壹兩甘草半兩

右件藥搗麤羅為散每服三錢以水一中

盞煎至六分去滓不計時候溫服

治咽喉卒腫痛絡石散方

絡石半兩細辛壹分玄參半兩黃藥叁分甘草半兩

赤芍藥半兩川大黃叁分

右件藥搗麤羅為散每服三錢以水壹中

盡入竹葉二七片煎至六分去滓不計時
候溫服

治咽喉內卒腫痛竜腦散方

竜腦一分朱砂一分犀角屑一分真珠末半

研白藥馬牙消壹兩黃耆半兩甘草兩

生判

右件藥搗細羅爲散都研令勻每服不計
時候以新汲水調下二錢

又方牛蒡子半兩川升麻半兩甘草一分陳橘

皮一分湯浸白藥兩川芒消分

右件藥搗羅爲末化赤錫汁和丸如雞頭

實大每服以繇裏一丸含嚥津

又方馬兜零根兩甘草一分

右件藥搗羅爲散每服二錢以水一中

盞煎至六分去滓不計時候溫服

又方衛生易簡方喉中卒被毒氣攻右以商

陸易簡方根爛搗微炒帛裏熨之冷卽易

之

治咽喉疼痛諸方

夫咽喉者氣之所通流呼吸之道路若風邪熱氣搏於脾肺則經絡否澀氣不通利邪熱攻衝上膈壅滯故令咽喉疼痛也

治咽喉毒氣結塞疼痛不下湯水宜服犀角

散方

犀角屑一兩沉香壹兩木香半兩馬牙消壹兩雞舌

香一兩薰陸香半兩川升麻叁分射干叁分甘草半兩

生黃芩半兩麝香壹分
剉生細研

右件藥搗羅羅為散每服三錢以水一中

蒸入竹葉二七片煎至六分去滓不計時

候溫服

治脾肺壅熱咽喉疼痛胃膈壅滯心煩頰赤

四肢不利宜服射干散方

射干二兩川升麻壹兩羚羊角屑半兩木通半兩

赤芍藥半兩絡石壹兩川大黃壹兩碎微炒

右件藥搗羅羅為散每服三錢以水一中

盞入生地黄一分煎至六分去滓溫服如

人行五七里再服以利為度

治咽喉疼痛喘息急悶馬兜零散方

馬兜零一兩黃耆一兩甘草半兩杏仁半兩湯浸

去皮尖雙人玄參壹兩絡石壹兩

右件藥搗麤羅為散每服三錢以水壹中

盪煎至六分去滓不計時候溫服

治咽喉疼痛四肢寒熱痰涎壅滯煩躁頭疼

宜服犀角散方

犀角屑叁分馬牙消壹兩白礬壹兩川升麻叁分甘

草半兩桔梗半兩去盧頭細辛壹分石膏壹兩前胡

參分去蘆頭

右件藥搗麤羅為散每服三錢以水壹中

盪煎至六分去滓不計時候溫服

治咽喉疼痛含嚙丸方

黃藥 白藥 菰藪根 牛蒡子 馬勃

已上各壹兩玄參壹兩砂糖叁兩蜜叁兩

右件藥前六味搗羅為末蒸蜜并糖和丸

如彈丸大不計時候含一丸嚙津

治咽喉閉塞胃膈熱毒所攻疼痛宜服此方

射干 川升麻 川朴消已上各二兩

右件藥搗羅羅為散每服三錢以水壹中

蒸煎至六分去滓放溫細細嚥之以咽喉

利為度

治咽喉風熱腫塞疼痛宜服此方

牛黃壹分龍腦壹錢石膏壹兩馬牙消壹兩羚羊角

屑半兩寒水石半兩

右件藥都研如粉每服不計時候以新汲

水調下壹錢

治咽喉乾痛諸方

夫咽喉者氣液之往來水穀之道路若風邪

結熱居於脾邪蘊積在藏不能消散則上膈

煩熱故令咽喉乾痛也

治咽喉熱毒乾痛心膈煩躁宜服此方

犀角屑一兩川升麻一兩梔子人參分藍葉半兩木

通一兩麥門冬一兩牛枳實半兩炙甘草半兩

草參分生乾地黄參分

右件藥搗麤羅為散每服三錢以水一中
盞煎至五分去滓不計時候溫服

治咽喉乾痛嚔唾不利宜服此方

桔梗一兩去頭 甘草一兩生剉 牛蒡子壹兩微炒

右件藥搗麤羅為散每服三錢以水壹中
盞入竹茹壹分煎至六分去滓不計時候

溫服

治咽喉熱毒上攻乾燥疼痛宜含化升麻散
方

川升麻壹兩 射干壹兩 白礬半兩 硃砂壹兩

甘草叁分 白藥叁分 黃藥壹分 天竹黃二兩 犀

角屑叁分 白龍腦壹分 馬牙消二兩

右件藥搗細羅為散入研了藥令勻於瓷
合中盛每服壹錢以絲裏含化嚔津

治喉痺乾燥熱疼宜服絡石煎丸方

絡石半兩 射干半兩 川大黃壹分 木通壹分 白藥

壹分 川升麻半兩 牛蒡子壹分 玄參壹分 甘草半兩 白

蜜二兩 白蒺藜壹分 馬牙消壹分 黃藥壹分 地黃汁

升半
右件藥除藥汁外擣羅爲末先以地黃汁
及蜜於銀鍋中以慢火煎成膏後入諸藥
末相和令勻丸如小彈子大用絲裏壹丸
含嚥津

治風熱上攻咽喉乾痛如欲生瘡心胃壅悶
犀角丸方

犀角屑壹兩 川升麻壹兩 川大黃壹兩 剉黃芩壹兩
半 玄參壹兩 人參壹兩 蘆頭壹兩 黃耆壹兩 甘草壹兩

生藍葉半兩 桔梗半兩 去杏仁壹兩 湯浸去
別 研入別 右件藥擣羅爲散鍊蜜和擣三二百杵丸
如梧桐子大每於食後以溫水下二十九

治咽喉內生瘡諸方

夫咽喉者脾胃之候也由脾胃間熱其氣上
衝咽喉所以生瘡其瘡白頭或赤根皆由熱
毒所致也

治咽喉內生瘡疼痛宜服黃耆散方

黃耆半兩 甘草半兩 梔子半兩 黃芩一分 玄

參壹兩 赤茯苓半兩 檳榔半兩 川升麻一分 紫苑半兩

洗去苗土 麥門冬壹兩 去心焙 牛蒡子半兩

右件藥搗麤羅為散每服三錢以水一中

盞煎至六分去滓不計時候溫服

治咽喉內生瘡唾血不下食宜服生乾地黄

散方

生乾地黄壹兩 雞蘇苗壹兩 赤茯苓壹兩 麥門

冬壹兩 玄參壹兩 甘草壹兩 去心焙

右件藥搗麤羅為散每服三錢以水一中

盞入竹茹一分煎至六分去滓不計時候

溫服

治咽喉腫痛上膈實熱口舌生瘡宜服大青

丸方

大青一兩 黃芩半兩 蚤休半兩 黃藥半兩 黃連半兩

去鬚 薔薇根皮一兩 川升麻半兩 菰蘆根半兩 知

母半兩 石膏半兩 馬牙消一兩

右件藥搗羅為末鍊蜜和搗三二百杵丸

如酸棗大絲裏一九含嚙津

治咽喉內熱毒所攻生瘡腫痛宜服此方

牛蒡子牛兩乾浮萍草牛兩川升麻牛兩玄參

半兩黃藥牛兩甘草牛兩

右件藥擣羅為末鍊蜜和丸如小彈子大

常含壹丸嚙津

治咽喉中外瘡腫痛白藥丸方

白藥 黃藥 玄參 射干 甘草 桔

梗去蘆頭已
上各半兩

右件藥擣羅為末鍊砂糖和丸如彈子大
以絲裏壹丸常含嚙津

治咽喉內生瘡疼痛宜服此方

竜腦二錢蜜八兩黃丹二兩麝香一錢

右件藥先於銀鍋內化蜜用綿濾過再於

鍋中以慢火熬次下黃丹煎成膏候冷熱

得所內竜腦麝香攪令勻入於瓷合中盛

每服壹丸如杏人大絲裏含嚙津日五服

治咽喉閉塞口噤諸方

夫脾肺之氣通於咽喉三陰三陽筋夾於口
頰若脾肺二藏積穢風熱則經絡不利氣道
滯澀邪毒之氣攻於咽喉及於口頰故令咽
喉閉塞口噤也

治咽喉閉塞痛疼口噤宜服升麻散方

川升麻壹兩防風半兩去去黃耆半兩甘草半兩
炙微分細辛壹分黃芩叁分杏仁叁分湯浸去皮
赤剉分羚羊角兩羌活兩
右件藥搗麤羅為散切服三錢以水一中

蓋煎至六分去滓不計時候溫溫即灌之

治心脾風熱咽喉閉塞口噤宜服半夏散方

半夏壹兩湯洗七遍去滑玄參壹兩川升麻一兩犀角
屑一兩黑豆皮壹兩牛蒡子壹兩甘草壹兩豕
木香兩枳殼半兩麩兩炒微黃去瓢微
右件藥搗麤羅為散每服三錢以水一中

蓋入牛薑半分煎至六分去滓不計時候

溫溫灌之

治熱毒伏在心脾攻於咽喉心胃脹滿口噤

宜服玄參散方

玄參一兩 牛蒡子一兩 微炒 川升麻一兩 木香半兩 犀角屑一兩 甘草一兩 微炙 桑根白皮一兩 黑豆皮半兩

右件藥搗麤羅為散每服四錢以水一中盞煎至六分去滓不計時候溫溫灌之

治咽喉閉塞口噤方

皂莢針一兩 楸白皮半兩 芎藭一分 羌活一分 心三分

右件藥搗麤羅為散每服三錢以水壹中盞煎至六分去滓拗口溫溫灌之

又方羌活參兩 牛蒡子二兩 羅為末

右件藥先以水三大盞煎羌活取一大盞半去滓入白礬灰一分攪令勻每取一小盞調下牛蒡末二錢每服仍先以木尺格

牙發開口灌之得吐為效神巧萬全方同

又方桂心一兩 羌活一兩 石膏二兩 甘草半兩 川升麻半兩 羚羊角屑半兩

右件藥搗羅為散每服三錢以水一中
盞入生薑半分煎至六分去滓不計時候
溫溫灌之

又方石以雄雀糞細研每服以溫水調灌半

錢
備預百
要方同

醫方類聚卷之七十三